

I 3205/3827.83

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JAN 15 1940

3

寶山臨川志



本冊缺頁、裝訂問題系原書原貌

# 寶山縣志缺葉表

卷八第十五葉

## 寶山縣志卷之六

### 職官志

讀明代郡邑志守令丞尉師儒例得列於志中  
然所載多斷自明初宋元以前之功德足以及  
遠歲久而民不忘者亦有存焉茲寶山分志官  
司編紀則斷自新縣然攷通志嘉定之名宦其  
功德向曾及於寶境自應首列以誌民之不忘  
也武職歷代沿革詳見武備志故通志內吳淞  
營祇列人等國朝人員副叅姓名今分縣於此  
應加詳備自分縣始謹將守千把並編入焉

哈佛大學漢和  
圖書館珍藏印

名宦



宋 高衍孫嘉定初置縣衍孫首知縣事創建治解城隍坊陌壇壝學校靡不周飭

元 任立太原人授嘉定知州釋冤獄四十九人歲稔全活饑民六千餘戶

明 練達新淦人建文間知嘉定縣視事甫三月靖難師渡江從父子寧被誅達知不免一夕載妻子赴海死

祖述字尚賢宣德中以福建叅政左遷知嘉定邑田數疇於海賦無所出上疏蠲之又歲造船以洪漕運及漑田之河久淤塞悉疏上聞自是船罷造而河亦浚

龍晉吉水人天順元年由御史出知嘉定縣有獄訟累年不決者晉至立辨決之吳淞江鹽鉄塘久淤塞晉督丁夫開浚獲一石刻於江岸其文曰得一龍江水通人為歎異

吳哲成化間知嘉定誠心質行常以六事箴之座右

王應鵬正德間知嘉定縣被召赴京僚佐覬瞞一介不取行至淮有持金二鎰布百疋以獻者驚問之曰感恩切骨敢以為獻應鵬笑曰有是哉乃受布一疋仍製衣以賞篙工其清介如此

李資坤字伯生昆陽州人嘉靖中知嘉定清節絕



倫尤篤於風義建忠孝貞烈二祠立社學十有六皆有田有廬為圖永久

馬麟字子振嘉靖間知嘉定孫嚴重寡言笑邑有桀黠為伍眾患苦之一日密召其魁令自相擗發先後盡置之法嘗濬練祁塘自治城至外岡鎮止舍於外七日而畢工

張守直字時舉遵化人嘉靖中知嘉定故事賦入例有收頭一充是役無不破家守直罷不復用故事庫子里長為民所不便者悉罷之

萬思謙字益甫南昌人嘉靖中知嘉定倭寇薄東城乘風焚倉舍城幾陷思謙叩頭顙天風反火

滅賊酋中矢石死乃解去邑城土堞點守請易以甃明年城成賊果大至恃以無恐

韓浚字邃之淄川人萬歷間知嘉定催科舊以十日為期浚易之以月苟輸將如約則終歲不至縣庭有鄉民入市橫被毆劫不識其主名浚訊知形狀曰此必某某捕之不刑而服

工廷舉萬歷中嘉定教諭與諸生砥礪名節邑令知其賢數咨以政人謂與侯暉欲有所于望其顏色輒慚沮而退

李玉森字木公高要人崇正時為嘉定丞甫至謁直指其僚俱叩頭襲不典之稱玉森獨長跪呼



大人直指怒玉森極論大人之名美而未易踐不典之稱乃輿臺小人所宜直指改容禮之

國朝閔有義孝感人順治二年嘉定典史盜入城焚劫縣庫巡撫土國寶疑有變欲遣兵屠戮有義叩頭力爭乃止

潘師質字敏慎宜春人知嘉定縣官舍蕭然日食粗糲時邑蠹導衛弁為奸索額外加漕耗若干師質置不應會民毆擊其為首者致殞憲府檄詰其事師質自投秦淮河死而以書繫臂極言衛弁加耗之害百姓聞者無不感泣

陸隴其字稼書平湖人康熙庚戌進士授嘉定知縣縣俗婚喪諸禮多以侈靡相倣效隴其下令禁飭示以品制而率之勤儉為政務鋤強梗抑胥吏然不甚拘於法輒以至情悱惻相感動大賈某結長吏橫行里中僕占賣薪者妻如律某大恐諭之曰人無不可自新若自新未晚某感泣一變前所為市鎮少年數十為朋以拳勇毆擊為事庶其尤者而械於門出入臨視誠諭警戒切視其情色果悔而釋之其黨悉散役隸向以千數後乃稍稍易業自去踰年訟者絕少催科立甘限法應輸者自限輸若干屆期及半即得宥以故絕不用杖而輸者爭至性淡泊一介不



取食米俱自平湖載來署中隙地種蔬自給婢  
媪治織紉每公事出父老爭看清官上官嫌其  
儒生迂緩劾去之民罷市三日乞留不得去之  
日送者數萬人填塞道路所著困勉錄三魚堂  
集等書闡發義理有功後學崇祀名宦雍正二  
年奉

旨升入

文廟從祀西廡

邑令

孔毓珠

山東兗州府曲阜縣歲貢雍正三年

趙向奎

山西平陽府聞喜縣康熙丙子科舉人嘉  
定縣兼署寶山縣雍正四年七月任

唐彥龍

奉天府承德縣甲子科舉人雍正四年九  
月任

祖秉震

正白旗漢軍監生雍正五年十月任

饒嗣玉

福建臺灣府鳳山縣貢生雍正五年十二  
月任

高式矩

山西平陽府洪洞縣歲貢雍正六年五月  
任

陶士傑

湖南長沙府寧鄉縣雍正癸卯科進士鎮  
洋縣兼署寶山縣雍正六年六月任

魏蒼佩

直隸趙州栢鄉縣廩生雍正六年七月任

朱爾介

山東兗州府單縣貢生嘉定縣兼署寶山  
縣雍正六年十月任

嚴接

廣東肇慶府開平縣貢生雍正七年三月  
任

褚菊書

浙江嘉興府秀水縣康熙癸巳科舉人雍  
正七年四月任

江之翰

陝西寧夏府寧夏縣癸巳科舉人雍正七  
年閏七月任



傅景奕

浙江紹興府會稽縣監生雍正八年七月任

薛仁錫

順天府大興縣教習雍正十年十一月任

徐必昌

浙江杭州府仁和縣甲午科舉人雍正十一年九月任

文鐸

湖廣武昌府江夏縣監生雍正十一年十月任

胡仁濟

順天府大興縣貢生原籍紹興府山陰縣雍正十二年六月任

錢朝模

浙江紹興府會稽縣監生乾隆六年九月任

李元瑞

山西平陽府洪洞縣監生乾隆七年七月任

趙酉

甘肅秦州拔貢乾隆八年二月任

師儒

訓導一員由嘉定縣學分督寶山縣學

訓導于星煒

鎮江府金壇縣歲貢雍正四年四月任

周國士

鳳陽府宿州歲貢雍正十一年二月任

陳心謀

通州歲貢雍正十二年七月任

姚紳

潁州歲貢雍正十三年六月任

洪基

淮安府山陽縣歲貢乾隆三年十二月任



師儒 僚屬

僚屬 主簿巡檢係嘉定縣分撥典史係添設

主簿 胡文燈 浙江紹興府山陰縣監生雍正四年八月任

陳至言 浙江紹興府會稽縣供事雍正八年十一月任

張基 浙江紹興府山陰縣監生雍正三年十二月任

張一 浙江紹興府山陰縣監生雍正三年六月任

鄭心 浙江紹興府山陰縣監生雍正二年六月任

張國士 浙江紹興府山陰縣監生雍正二年二月任

于星 浙江紹興府山陰縣監生雍正四年四月任

張一 浙江紹興府山陰縣監生雍正四年四月任

典史 易大勳 順天府大興縣吏員雍正四年任

高鼎燿 順天府大興縣吏員雍正七年任

楊兆本 順天府大興縣吏員乾隆六年四月任

王文章 順天府大興縣吏員乾隆八年十月任

王文章 順天府大興縣吏員乾隆五年八月任

王文章 順天府大興縣吏員乾隆五年四月任



巡檢 傅子英

浙江紹興府蕭山縣吏員雍正四年三月任

王友章

浙江紹興府山陰縣吏員雍正八年七月任

鈕 桃

順天府大興縣吏員乾隆八年十月任

蘇兆本

高 鼎

吳大燦

武職 吳淞營

副將 沈 豹 上元人 順治二年任

趙光祖 京衛人

熊嘉夢 奉天人 順治十七年任

將 符必昭 京衛人 康熙六年任

王永正 陝西人 康熙八年任

孔守義 陝西人 康熙十二年任

傅鵬翔 直隸人 康熙十九年任

陳 雄 福建人 康熙二十五年任

李業鴻 直隸人 康熙三十年任

于 海 山東人 康熙三十八年任



何國雲

江西人康熙四十年任

韓宗徵

江南人康熙四十五年任

路振揚

陝西人康熙五十一年任

趙武

直隸人康熙五十一年任

李宗膺

陝西人康熙六十年任

紀廷璟

福建人雍正二年任

徐世龍

四川人雍正五年任

王安國

福建人雍正七年任

吳勝

福建人雍正七年任

鄧起龍

福建人雍正十年任

辛開元

湖廣人雍正十二年任

陳鳴夏

福建泉州府惠安縣丁未科武進士乾隆四年任

趙茂嗣

湖廣歸州人由保送花翎侍衛乾隆八年正月任



守備 劉志高 松江人 雍正三年任

馬世英 陝西人 雍正四年任

楊明 山西人 雍正七年任

蔡士元 浙江嚴州府建德縣人 由功加 雍正十三年任

高銓 常州府人 乾隆五年任

許有功 揚州府江都縣人 乾隆七年五月任

總千 王勇 蘓州府人 雍正三年任

李天麟 太倉州人 雍正四年任

王大彪 松江府人 雍正十年任

黃效 福建延平府南平縣人 由功加 雍正十三年任

劉士奇 松江金山衛人 乾隆四年任

曹文元 上海縣人 乾隆六年任

洪世顯 上海縣人 乾隆七年任

謝忠 寶山縣人 乾隆七年任

楊文璉 湖南常德府武陵縣武舉人 乾隆八年任



把總 王文燦 江南人雍正三年任

劉士奇 金山衛人雍正四年任

丁國臣 江南人雍正五年任

章士英 吳淞人雍正七年任

王家棟 吳淞人雍正八年任

羅元吉 福建福州府閩縣人由功加雍正十二年任

陳楷 福建福州府達江縣人由功加乾隆元年任

韓全 福建福州府閩縣人由功加乾隆元年任

萬得貴 華亭縣人乾隆七年任

按江東寶山所城併炮臺防守之員歸於川沙

營派撥按期調換靡有一定非吳淞營所轄故

不詳載焉



寶山縣志卷之六

寶山縣志卷之七

人物志

詩有云高山仰止景行行止一方之有人物亦  
 後進之高山景行也寶山分自嘉定地環江海  
 之秀舊志所載人物其忠孝節義蓋不乏人焉  
 第玉蘊於石而成珪璋之用端賴琢磨之力木  
 生於山而勝棟樑之任豈舍繩墨之功生於其  
 鄉者景仰前賢知由發憤刻勵能自拔於流俗  
 非盡地靈使然咸思所以自奮則海濱人物何  
 可限量耶

仕蹟



明 陳述字宗理居真如宣德間以賢良薦授御史巡按江西歷浙江右叅政移四川左叅政會流賊聚衆剽掠官軍失利述至推誠招撫降者三百餘人並釋歸復業殲渠魁五十人其地遂寧已而德陽賊燒劫什邡安縣移屯彰明述統官軍以正兵當賊衝復出奇兵撓之所獲資畜輒以充賞不旬日悉平初蜀民不知力本述爲設法勸課數年之間草萊盡闢農桑遍野民用饒裕撫臣累疏薦之述以年老致仕晉階二品蜀人立祠祀之著有辨疑恤刑錄農桑風化錄靜軒集崇祀鄉賢

范純字誠夫居羅店孤貧力學有文名天順丁丑進士南京兵部主事成化初以刑部員外郎爲四川僉事分守川北所轄番部道險多瘴前憲臣當按驗芻糧率移文勾當具故事純巡歷殆遍會松茂有警督運至威州蠻衆攻城據高山夾水架大木飛擲入城勢甚急純招羌兵數百夜伏山後旦鼓譟開城蠻下山迎戰伏兵疾馳山頂用大木反擊之蠻敗去及轉松潘兵備副使閣臣萬安子肆橫鄉里輒繩以法內官承旨廣市鷹鷂所歷州群橫勒路費千金民不能供純白止之弗聽遂移疾歸家同年彭韶巡撫江



南素交厚絕不干謁嘗與同官某會飲酒半某狎伶純見之遽拂衣出厲聲曰風雅掃地矣其生平剛正類如此卒年六十二著有詩十八卷文二卷崇祀鄉賢

李良字堯臣居真如後徙嘉城成化己丑進士出任南京刑部郎治獄不務鈎距而善窮人情大司寇重之諸曹疑牒輒移決焉出知瑞州府瑞俗獷悍喜告訐繫獄多至千人良至釋連坐與亡驗者而窮治其尤獄以衰息民多逐末率遠賈不歸良教之務農始相次復業值歲大侵為長短補貸法全活甚衆以憂歸卒

沈炤字文明居八都後徙嘉城宏治壬戌進士仕行人正德初擢刑科時閩人劉瑾擅政欲誣潼關守將姚諫重辟炤奉詔往與御史杜宏及知府郭任會勘二人畏瑾未敢決炤乃手攬獄詞拍案起曰吾終不能殺人以媚人明日宏悟呼酒酌地曰愿從公死獄上瑾大怒縛諫詣闕殺之下炤于獄杖幾死謫福建照磨未行丁外艱復逮至京謫戍寧夏瑾誅起桐廬主簿歷新昌令郴州守終廣東僉事著有東溟集崇祀忠孝沈灼字文燦炤之從弟正德戊辰進士授行人擢監察御史清軍浙江巡按福建江西皆著風裁



寧藩陰圖不軌灼上疏首發其奸嘉靖初疏陳  
四漸一經筵輟講二詰責言官三數逮有司四  
偏信內侍且曰朝廷刑獄內付刑部都察院外  
付巡按按察司錦衣官校不宜輕遣指陳切直  
世宗至為動容以議興獻大禮不合與同臺句  
容曹銓崑山方鳳同日乞休著有東岩奏草巡  
閩錄崇祀鄉賢

沈陽字復卿炤灼從子嘉靖庚戌進士知沙縣綜  
核精明入為御史上帝學八章奉命清理畿內  
庄田覈奪勲戚宦官隱冒一千九百餘頃復上  
牧政十事巡按四川忤權相謫判裕州量移南

康司理歷撫州同知廣信知府隆慶初方以卓  
異內召竟移疾歸入沙縣廣信名宦祠又崇祀  
忠孝

沈紹僖字廷和復卿從子萬歷丁酉舉人為蒙城  
教諭遷國子學錄禮部司務改吏部時趙南星  
為尚書稱其清慎擢武庫司員外郎庫事有與  
內廷惜薪司相關者時魏璫用事欲於柴薪常  
額外加派三萬金紹僖曰帑藏如洗必不能加  
卒奪其議嘗奉命至杭西湖方建璫祠浙藩邀  
遊湖上謝不往織監李實來謁不見旋以疾歸  
沈人种字時雍居大塲嘉靖己未進士為縣令有



毅名入銓曹游歷藩臬又入為卿終御史中丞其治以精勤嚴核為用而所至必以惠愛稱嘗榜於廳事曰吏不畏吾威而畏吾之廉民不愛吾寬而愛吾之嚴所施設可概見矣先後脩兵關東西嘗攝諸司事至佩七綬邊塞憚其名不敢犯朝廷聞之有白金采幣之賜當在浙也溫處二州盜起不在部界而遣丞督兵以往出賊不意一時駭散及為中丞巡撫閩中以疾歸卒無子人咸惜之

殷都字開美居大場徙嘉城萬歷癸未進士少負俊才多長者交為文不專於應舉而以詞賦得名故晚而後遇居官刻苦自勵守彝凌六年為職方郎又三年歸貧甚至質衣以奉客楚蜀之界懸崖峭壁徑纔容足而下臨不測之壑行者魂魄悸怖乃鑿山為道者九千丈始成坦途及在職方會火落為難西陲借西寇為殺勢都謂不當急之使合與群議左而執政深以為然二寇果次第解去已會獵黃鵠口邊人驟言寇至石尚書星欲發兵乘城都言彼必不敢為寇不宜輕動以損觀聽已而果獵也尚書內慚風言官劾奏左官竟以罷歸著有爾雅齋集十笏齋稿尺牘籌邊稿酒史計八十餘卷



錢春沂字仲與居四都為諸生時父被冤繫慷慨陳情竟出死獄沂後舉嘉靖甲子鄉試由繁昌教諭遷德化令吏以羨餘進沂曰此百姓膏血也却不受未幾求歸上官弗許遂書林下清風四字置馬首而去

嚴貞度字茂肅居十一都家貧力學所為文自出倫輩成萬歷癸未進士知東陽縣歷官刑部員外改職方會遼東總兵官馬林為太監高淮誣劾謫戍貞度與同官力持之神宗怒以阻撓礦稅斥為民在部曹時其門下士受知於閣臣沈一貫欲為貞度先容峻拒之及歸僦屋以居貧不能自給歿無以為殮天啟元年贈尚寶司丞賜祭著有卹刑題稿

馮之彥字君美居廣福父諫字惟厚居鄉多長者行歿祀鄉賢之彥登萬歷戊戌進士歷淳安浦江桐鄉令多善政載遺愛錄桐溪記畧遷京衛府學教授國子博士擢都水主事權關荊州改儀制司陞員外署郎中時神宗倦勤皇太子久輟閣講皇長孫年十六尚稽冊立之彥累疏請并條議藩例參核豪宗光宗立以遺命欲尊鄭貴妃為皇后侍郎孫如游袖中出令旨之彥持不可立索筆草疏疏上得寢遂請立東宮蒙俞



旨遷光祿丞尋陞尚寶司少卿矢志忠貞登名  
天監錄魏忠賢擅政削籍為民崇正初詔復原  
官致仕著有儀曹疏草荆關權政凝香閣草

錢世禎字士孫一字三持春沂之子善騎射技勇  
絕人為文操筆立就中萬歷己丑武進士選蘓  
州衛鎮撫練兵吳江遷浙江運總時朝鮮被倭  
發兵東征經畧宋應昌疏加世禎游擊將軍隸  
為前鋒世禎率輕騎倍道疾馳渡鴨綠江抵肅  
寧至平壤都督李如松約先登者賞萬金酬世  
襲指揮世禎以七百騎過箕子墓喜曰此地多  
草木敵不知設伏邀我無能為也次日薄城下

與家丁數人躍而登遂克平壤逐北過大同江  
斬倭驍將既而如松沒其前後功踰年僅授薊  
鎮叅將調金山常鎮天津以老歸著有射評東  
征實記

黃世能字濟夫以椽史任陝西平涼衛經歷時平  
涼府靈臺縣賊聚眾殺傷官兵巡按董國光率  
大軍擊之世能從國光以數百騎授之使覘賊  
世能曰偵賊不宜多人多人賊必以我為挑戰  
遇輒鬪鬪必死今我以數人往賊不備乃可得  
其情國光嘆曰經歷知兵我不及也世能往盡  
得賊要領遂擊破之國光以為才委署崇信又



署安定革去浮費八百餘金世能雖身居微秩  
不畏上官平涼司理楊某欲坐一人重辟世能  
察其非辜力爭之楊知不可奪即縱遣而陰中  
世能以不謹巡撫顧其冊怒曰經歷廉直吏也  
乃為所中併劾罷司理嘗于涇陽逆旅得遺金  
二百餘錠物色其主還之不告姓名而去孫黃  
淳耀

孫元化字初陽居八都徙嘉城萬歷壬子以國子  
生中順天鄉試少異敏好奇畧得西學術精于  
火器天啟二年計偕入都上書言邊事吏科僕  
震陽薦其才從軍遼左多所贊畫閣部孫承宗

行邊還請授兵部司務召入為職方主事時邊  
疆多事中樞倚元化為重奏檄悉裁決其手袁  
崇煥撫遼詔往計議事竣還朝魏闡以素不附  
已矯旨奪職崇正初起武選員外遷職方郎尋  
出為宸前兵備道時燕薊東西告警元化善用  
關東將卒所向克捷以功擢都察院僉都御史  
巡撫登萊會大凌河告急命悉發調援部將孔  
有德兵至吳橋為縣令畢自黃激亂反攻登州  
朝廷以事由激變責令招撫旨為御史王道純  
所匿不即頒發遂潰亂難收首輔溫體仁論元  
化辟遂死西市臨刑風雷大作黃塵蔽天內閣



徐光啟謂體仁曰此足明登撫真寃矣登州城潰時親從官巷戰死者十九人潘雲柱沈履素其尤烈者

湏之奇字君常湏之彥從弟居廣福以文生員具勇畧入試武闈天啟辛酉壬戌聯捷守備福建興泉海盜鄭芝龍入寇總鎮及興泉道被圍之奇整兵出救斬不用命隊長王汝勝以狗奮戰大勝之奇性傲不善事上官與巡撫熊文燦理刑趙繼鼎有隙會汝勝子以父死告竟按擅殺軍兵例論斬閩紳士代訴不得白卒於獄

國朝

申毓來字子異居四都申荃芳長子康熙甲子歲貢由教習授江西南康知縣在任六年敷政愛民時太守欲行均田法履畝清稅毓來力爭不可甚銜之而奪于理曰此強項令也丁艱歸後二十餘載康民猶感德立祠儒學鍾維正作記鐫石著有未達草詩集



按仕以爵位顯蹟以功業重爵位生榮而歿已  
功業濟時而垂久茲輯仕蹟有功在 朝廷惠  
及民社者勲猷著於遐方聲譽傳於鄉黨此非  
特邦家之慶乃閭里之光也地因人重名以實  
傳昭前示後仕宦者豈可徒知爵位之榮而不  
知功業之建哉

孝義

宋 姚舜元字景瑞以武功為保義郎平江府東南副  
將守吳淞德祐改元冬元師下平江姚氏為邑

巨族民樂歸附舜元語弟舜賓賓子鄉貢士應  
龍曰國家厚澤在人大本未去收合散亡以應  
內援外事可圖也未幾元偏將東巡莫敢犯境  
十二月十六日會黃霧四塞襲兵猝至舜元不  
及備與舜賓應龍及次子興龍並死之舜元祀  
鄉賢忠孝二祠 元江陰王逢詩見藝文

明 沈輔字良弼居八都以捐粟賜冠帶性至孝嘗他



出忽心動悸汗曰得母親病乎惶遽馳歸母黃氏癱潰已不可救哭踊絕水粒者三日晨夕稽顙北辰願以身代及歿廬墓三年妻瞿氏事姑亦盡孝姑病癱當夏月瞿跪而舐之宏治四年詔旌其門曰雙孝嘉靖間祀忠孝祠瞿氏祀節烈祠灼炤其孫也

蘓旻字舜夫居大場父病竭力治療弗愈而卒哀毀幾絕躬負土治墓結廬其側悲號不少置一日雨甚水浸墓旻荷鋪決之獲金五錠用以買藥治棺施貧者父有遺產悉讓諸弟海陽周成為立傳知縣王術詩見藝文

郭山字體仁又字仁仲居江東嘉靖乙酉舉人力學甘貧至性孝友父嗜珍味性卞急小不當意輒反案折箸山竭力營求朝夕饋食子婦竊聽戶外食已乃相慶謁選為同安令縣苦徭役不平乃計其經費準田定賦貧者稱便諸番市舶輻輳權稅外盡革浮羨丁父艱去任父老釀金三百為贐悉謝却之服除山曰往日之出為親耳遂不復仕



黃淳耀字蘊生姿稟明敏夜篝火讀書父母憂其孱弱止之伺寢息更從隣舍乞火危坐默識嘗達旦年十七為諸生其制舉業穿穴于經傳子史而後出之博大醇正每試輒冠軍同里侯廣成兄弟極推重之自弱冠即以聖賢自負著自鑑錄知遇錄後更為日歷畫之所為夜必書之崇禎壬午舉于鄉癸未中進士出周太史鳳翔之門當釋褐後寄弟偉恭書曰吾廷試傳臚時見鼎甲先上人皆嘖嘖稱羨吾此時歎息無限天地間自有為數千年一人數百年一人者今人必不肯為數千年之一人而必欲為三年之

一人觀此可以知其自命矣天性純孝窮居無私財所得廩餼束脩盡歸之親丁內憂毀瘠骨立自弱冠至登第後不苟取一錢其友人有一親戚以官事連染屬公白免之其親戚以五十金為壽友人懷之以餽及覲面不敢出諸袖置諸書笥中經數日忽檢出大駭急還之介操類如此乙酉兵至訛傳父死遂同弟淵耀縊于西城僧舍中臨死神氣閑暇如平時其學問名節本於一誠嘉邑文章義節兼而有之者蓋首稱焉所著有詩文若干卷詩劄二卷史記襍論四卷語錄二卷吾師錄一卷其弟淵耀字偉恭學



於兄得志緒論為邑諸生以品節自厲與兄同  
縊西城就縊時見兄憤墜地復下拾而冠之時  
年二十二著有谷簾學吟草奉憲立廟嘉城榜  
曰二黃先生祠

嚴銑字子華居十一都父堂故長者邑令李資坤  
召主權會奸胥不敢攤逃賦郡守王儀又令察  
諸占田不實者忤里豪意乘守去訟之御史庾  
死獄中時銑尚少默自翳其胸作必報父仇字  
旣數年訴諸父老曰孤今幸壯有力矣不難割  
刃仇人胸第吾父被污卒不白請告士師而殺  
之于是走御史臺訟父冤里豪亦以逮繫自經  
死銑痛不逮養刻木為父像事之如生職方郎  
殷都為作孝子傳

許大達字韞玉明初開國功世襲戶侯少好學補  
博士弟子隱居海濱穿穴經史有故人為仇陷  
以冤白當事欲置之法其仇以五百金餽厲却  
之越中老生貧不能歸鬻其妾與女其妾賣與  
大達及至泣不已問故曰夫女生離是以悲耳  
即召其人領回其人以價散半為辭答曰豈望  
還銀併以其半代贖女歸之事親孝妻卜氏昭  
信尉卜芝亭女先大達歿大達年八十有四著



有五經傳火四書辨異懷音草詩子自俊中  
進士女玉早寡守節在家以節孝旌

沈兆字祥卿居八都嘉靖三十二年值倭警奉母  
往崑山母病傾貲醫禱弗效割股以膳及亡號  
慟不能拜起扶襯歸雨竟夕跪雨中祈晴翌日  
果克葬在南雍時甥龔錫爵遭逆奴弑其父錫  
爵方五歲僕李崧負至兆所兆撫之如子及成  
立乃出其十五年餘租與親友所贈穎悅之屬  
一箱并付之族孫厚嗣慕兆風亦盡力事養其  
親父病刲股以進沈氏蓋多孝友云

沈尊字達三居江東御史陽之孫為人伉直不苟  
取與性至孝與妻汪氏竭力以事母同產兄弟  
有三人而生養死葬皆尊獨任迨兄弟沒貧不  
能殮亦尊為之營厝鄉黨多稱之

須諫字惟厚篤於友愛處骨肉間以含忍相化終  
身不言析箸事寡姊歲計其衣服之費而繼輸  
之并為撫育其子嘗寒月過債家見壁下草中  
有物蠕蠕動怪問主人俛不能答發視則三穉  
子赤身卧也遽還其券出見哭于道者云市布  
得假銀諫如數償之尤好覆人之過家亡二牛  
一人逐而得之則謝以一牛一人得盜主名以  
告且云當聞于官而證之諫弗忍亦謝以一牛



二牛仍亡所知以白金數錠來願質零星以用  
後試之皆偽物然終不言也以此鄉人多感德  
者歿崇祀鄉賢

王玉堂吳淞副千戶母病割股以進尋愈子有道  
亦割股療母嘉靖間臺使並獎

陳汀字厚卿居黃浦東幼喪母育于同縣馬氏平  
生好義先世遺產悉讓于兄盡復調給之後馬  
氏有分復不受人有持官銀百兩遺旅店中汀  
後至獨留守俟其人還而付之為人乞貸已而  
負之汀為代償其後有求復與終不言前負臨  
沒呼其子索筆書曰負某人物若干又負某若  
干吾死汝必償之他人負已者不言也

潘士英字子實居羅店記誦該博尤邃於宋儒理  
數之學奉母至孝母御新婦嚴一日奮杖擊婦  
簪入頂而仆士英俟婦小甦即牽之跪謝母偏  
憐少子士英亦憐愛之相得無間以貢為龍泉  
訓導遷江山教諭

陸漸登吳淞百戶十歲割左股療母病後又割右  
股療父疾父母俱以壽終

蘇澆字眉起居楊行性至孝所居與母氏隔風雨  
夜晦必守侍母寢始去比曉即候立無少怠篤  
于友愛與弟淵讀書一室為文博大醇雅以古



人自期崇正十七年聞闖寇陷京師即易麻冠  
草履望北長慟遂積鬱成病尋卒自作靜節居  
士傳子樞康熙十一年鄉貢士

申荃芳字澹尹居黃白涇文學素著有經世才嘉  
定永折漕糧崇正十四年忽奉文改免舉邑惶  
駭荃芳偕張鴻磐赴闕陳奏得以復折後乃歸  
隐于鄉耕讀營葬累世之喪教子成名子毓來  
明經考選教習南康知縣修來監貢考授州同  
知

車薦吳淞舍人年十二父病刲左股進之獲愈天  
啟間憲獎

黃士彥居海濱父客京師士彥拮据養母崇正五  
年春母病不能延醫日夕禱北斗刲股作羹以  
進及歿哭幾死丐貸以營棺殮知縣來方煒給  
獎

國朝

張涵字凝之居十一都明生員入閣部史可法募  
授標下都司遷內營遊擊未幾以叅將行事  
大兵下揚州涵分守北門餉艘阻高郵可法令  
引兵接應既達而城下獲之砮死著有碧烟小  
草



許龍字雲美嘗從史可法於揚州任都司順治乙酉閏六月大兵駐吳淞副將梁得勝泊舟東門外龍中流矢死

唐景曜字韜生居羅店明生員以文行教授鄉里順治乙酉總督李成棟分兵東渡練初西渡荻涇繞鄉兵後遂潰景曜

羅店之席元斌同時死景曜係兵部職方

郎景亮從弟

唐培字自因居羅店崇正癸酉副榜先匿其母於

鄉鄉兵潰與從叔景曜

朱霞字赤城居羅店明生員唐景曜

數鎗墮河死

吳之蕃吳淞所世襲百戶父斗南以征流寇死王

事之蕃兼署陸營把總大兵入吳淞走江東

鄉兵四千人舡百餘艘直抵胡巷橋登岸不能

敵之蕃呼天哭曰我父子死國分也然不得一

戰死勿瞑目矣捉鎗赴鬪力竭而死

傅凝之字令融居八都崇正癸酉中式素有才畧

同叅將吳志葵率師遁溇湖大兵破志葵軍

志葵就擒凝之赴水死

范國楨字伯翼純六世孫好義尚節崇正末國楨

遇兵將加刑子光昭以身蔽父伏地求代不獲



父子同時死難

范國棟字仲隆國楨弟順治二年七月羅溪亂民假鄉兵為名擅殺人有一陸皮橋人至鎮以其面生欲執而殺之其人叩顙流血將不免國棟素不相識惻然捐五十金與市人得免至今人猶稱其慷慨仗義

朱洪基字爾開居羅店邑諸生至性純篤承家養志不以瑣事累其父幼失恃事後母至孝如其所生尤極友愛其弟人稱為朱閔子且輕財好施樂善不倦子元裕辛丑進士孫文龍乙卯鄉薦

沈仕字長卿太平府學訓導事親至孝竭誠奉養孺慕至老不衰親病朝夕焚香籲天求代親沒終身茹素廬墓三年至于體親之心恤姊妹而授以田廬撫弟姪而代為婚嫁吉祥善事靡不力行歷奉各憲旌異兩舉賓飲康熙十九年奉督學道劉批入忠孝祠

李正義字中宜原籍新安居邑之真如性至孝割股療母疾一日往蕪湖于旅舍中得遺金百餘兩候至三日有浙客倉皇至還之客為泣謝語之曰爾金我還何謝之有甲申年饑民載道散給米糧疫死遺骸出資收殮生三子長嘉猷丙



辰進士次栻辛丑貢士季嘉譽邑庠生孫壻彭定求丙辰會狀人以為積德之報云

朱漸儀字羽吉居羅店祖朱君平孝友積學黃淳耀為立傳父朱廷琦樂善坦直取怨於人為里豪捶死漸儀訟之官獄久不決然瘐死者已三人漸儀衰麻披髮終其身乾隆三年 詔旌

沈汾陽字希郭居羅店割股療親以孝行聞

車永祚居吳淞為廣東乳源守備兒時父中俊病篤割股療之

張以高字惠仁居南城母病割左股以療父病復割右股病亦愈

王樹穀字子實居真如幼孤事母盡孝母病割左乳旁肉以療及歿廬墓三年

沈世苴字子祥明孝子輔裔孫父病割股雜糜進食之尋愈伯叔並無後為營殯葬年至八十餘朱迪居黃號二十啣幼齡喪父事母盡孝母病衣不解帶藥必親嘗及歿廬墓居喪哀毀幾至滅性迨後白頭哭奠如新乾隆五年 詔旌

印世臣字上下居七都父有穀以遊學歿于燕京輿櫬歸世臣時甫九齡哀痛如成人事母至孝與兄同居終身不析產弱冠補博士弟子員屢試棘闈不售有族弟詢簽早世託孤于世臣旁



人覬覦之世臣不避嫌怨撫之成立及長遊庠  
成婚以所授一一歸之時人比之嬰曰吳淞向  
有養兵之累比戶牧馬世臣請建造營房民得  
安堵順治十六年復有漕兌之舉闔邑驚恐世  
臣奮不顧身籲憲求免長子輯瑞候選州同克  
肖父行以孫光任出仕獲蒙貶贈

金潢字來宗康熙辛酉舉人六歲幼孤事母至孝  
登鄉薦後以母老不仕母患目盲醫者曰此年  
老血衰非藥可療必以舌舐之即每日晨起為  
母砥目後得復明外祖家三代單傳無子因業  
廢族人莫肯繼立乃營置祀田數畝即托其族  
之賢者主之以奉祭祀外曾祖家亦再世單傳  
止存一子甚幼撫孤成立葬其三代之喪創興  
廣仁會糾同志捐金以給寒之無衣饑之乏食  
死之無殮者刊有丹桂籍孝經易知解子時學  
副榜仕儀徵縣教諭

尹聘字商衡康熙丁酉舉人學問淵深頗有著作  
天性孝友兩次割股

范光啓字華先國楨子邑諸生舉鄉飲賓當父國  
楨弟光昭同被難時亦欲身殉念母在無人侍  
養而止後痛父弟之死於其地即購建祠宇名  
曰思圃春秋祭享竭誠哀慕文人學士咸嘉其



孝友贈以詩歌蘓郡守陳鵬年為之序子雲翔能繼父志好行懿德以壽考終

王瑚字禹美樂善好義所居江灣之蒲溪不通大河時虞早潦瑚捐百金買田疏鑿之得資灌溉一方賴之年八十一歲蒙給八品頂帶榮身

徐載字亶寧居稱號孝友篤學事父君平母朱氏幼時即承顏順志鄉黨咸以孝稱及長啜菽飲水必盡親歡父病禱天旋愈母患目時以舌舐母夜夢神賜丸吞之及旦目即明俱孝感所致康熙十六年知縣陸隴其以志在順親給獎

鍾杰字岳英生負居岡號家貧力學言笑不苟閉戶潛脩父死於楚匍匐奔喪母病於牀虔禱益壽訓養幼弟友愛備至

張諫言居彭溪幼即順親長能孝養母年五十九病危百藥不效諫言祈神割股以進母病獲痊壽至八十三歲鄉里咸稱孝感

李維煌字裕光居江灣年十歲父岩士病劇即徹夜服侍呼天泣禱父卒哀毀欲絕三載不離柩側母詹氏支持家計勞瘁請代勞母不許遂茹攻詩書迨母患病時年十四而躬操家務營葬父棺竭盡孝心弟維烜出繼厚分已產與之遇潮災歲歉減食以周急親鄰母患喉症夜夢一



道士用針治喉內而愈鄉黨咸稱孝感迨維煌  
 患喘疾不起惟囑其子圻孝事祖母而歿  
 按毀容廬墓舐癰割股乃孝之一節未可與聚  
 百順以效親如曾閔之孝同年而語也第其所  
 行本發於自然豈要譽於鄉黨哉仗節守義古  
 稱志士仁人當死生呼吸之際一諾不渝氣激  
 時危一瞑不視與實惠週里黨解囊濟急者皆  
 各得其性之所近其義一也若夫求忠臣於孝  
 子之門孝可移於忠有不全於義者乎茲輯寶  
 山之孝義如是後之覽斯志者可以觀感而興  
 起矣

儒林 三十二人

元 王子昭居東練祁篤學好禮尚志不群宋咸淳中  
 為本縣學正元初辟為吳郡學道書院山長初  
 嘉定學歲入田租養士不繼至元二十五年子  
 昭已老病懼鄉校廢弛以田二十七頃有奇屬  
 其弟子潤歸之學由是廩膳充足子昭有詩名  
 學者稱東祁先生祀鄉賢祠

明 金文徵字德儒居黃白涇後遷嘉定城工古文詞

洪武初辟為本縣訓導庚戌鄉薦第一 敕免會  
 試授鄜州同知有循良譽時同邑黃琮知中部  
 常熟張著知膚施皆延安屬公餘酬唱名長安



集遷國子坐教自號鶉居子從兄珉字德進元季訓導長洲洪武初為國子助教亦有文名

明 鄭濟川居依仁鄉洪武三十年以懷才抱德薦和

御製思得賢人詩稱旨擢廣東道監察御史改北平布政司都事永樂初引見賜冠帶致仕七年起署滁州事九年赴京仍致仕歸

和御製思得賢人詩

曉殿珠簾挂玉鈎綸音詢政乃儒流由來後聖

同前聖祗謂民愁似已愁滄海魚龍能變化甲枝鳥雀息喧啾人才輩出禎祥應喜見嘉

禾滿綠疇

章黼字道常居大場隱居授徒博洽多識年三十病足遂絕意進取攷訂六書訛謬潛心三十年

集正體三萬餘字編曰韻學集成十三卷又貞

音七卷卒年八十僉事吳瑄御史劉魁知縣吳

括為先後梓行板藏尊經閣

甘元雋字舜登居真如後遷南翔正德丙子鄉榜

署定陶教諭遷知陵縣有清操失上官意罷歸

四壁蕭然手未嘗釋卷晚以詩名及卒有司為

之營葬

李重字威甫居真如本農家而不辨五穀獨嗜學

強記以奇詞奧義相質為言見何書在某卷歷

歷無譌嘉靖甲午鄉試中式由長興教諭遷深

澤知縣日與諸生討論經史吏治非其所長而



廉潔自持民有善黃白之術者一豪公子求其方不與遂陷以大盜重廉得其情釋之後解任其人追送五十里外竝獻其方重曰汝以此幾及禍奈何以禍我子孫焚之馬前而去

湯珍字子重八都人績學工文辭雅自標位爲人倫所推吳中前輩唐子畏文徵仲王履約履吉皆友之以詩相揚挖爲社楞伽山中後進稱詩者多從問業文休承壽承彭孔嘉其著者也其後臺察大吏即結社之地建祠祀珍及諸子其中  
中有司爲置祭田歲時伏臘焉

李士龍字應明居江灣平生修謹與物無忤嘉靖間由歲貢秉鐸餘姚嘉興遷建寧教授告歸以書畫詠歌自適著有雲塘集萍隱錄

陳其詩字汝正居七都少穎悟年十三即通經史

舉嘉靖甲子鄉試由廣宗教諭遷黃梅令丁內

艱補新泰禱雨泰山夢神授以杯水黎明大雨曠賊王邦傑嘯聚官山臨其寨撫降之有死囚

赴決道逸監司將罪令囚聞曰不可以我負賢

令君遂就死後降山東鹽運司主事卒於官其

性至孝父素嚴厲居官時猶輒予大杖必跪謝

俟父解顏乃起事繼母亦如事父平生所著詩

文名抱真遺集



金大有字伯謙居羅店徙嘉城嘉靖戊午舉于鄉  
垂髫時即同內閣王公受知郡守文名籍甚屢  
舉公車不第讀書脩行為名孝廉嘗受里中無  
賴訟已而其子以盜事覺語連父并坐死大有  
言於令某實未為盜得釋其不宿怨好出入於  
陷類如此一時鄉評推耆德者必以太有為首  
云

金兆登字子魚大有子母傅氏夢饋鯉而生性穎  
悟少工文章萬歷壬午舉于鄉十上公車不第  
以耆德授都察院都事奉母家居耻事干謁至  
邑有大事議折漕議官布皆昌言力任之先是

慶子歲計借北上夜亡行橐有司按治主家公  
陰縱之曰吾不忍戕數口命以完吾橐也有風  
鑑錢生貧不能活以金貽之錢請歸女弟遂絕  
不復通其仁厚類如此年至耄未嘗廢書所纂  
有攸好錄談諧隨筆若干卷崇祀鄉賢子德開  
德行俱以文行重士林中

陳舜道字見華居眉浦北顧家堰徙嘉城由彭澤  
教諭成進士不欲以孱軀偃僂事上官仍改應  
天府學教授量移南雍浮沈郎署間甚久乃出  
守柳州柳故瘴鄉前代以居流人舜道獨恬之  
未幾致仕歸靜坐斗室中焚香讀易雖四時嘉



會鮮出過從人服其清節

傅遜字元凱居八都萬歷三年貢由岷縣訓導歷  
建昌教諭周藩長史身長八尺儀觀偉然少好  
讀書至老不倦其學長於論古今成敗師事歸  
有光文辭不及而持論常屈其師倭寇圍崑山  
請縋城出詣軍府告急竟得解圍尤好左氏春  
秋參互考訂以正杜氏之訛有春秋左傳屬事  
本末行世

婁堅字子柔由江東徙居嘉定南城經明行修學  
者推為大師年五十貢於春官不仕而歸詩文  
典雅淵源於歸有光書法妙天下尺牘寸簡人  
爭傳購與唐時升程嘉燧為練川三老

崇祀鄉賢

唐景亮字明仲居羅店萬歷癸卯舉人仕太和教  
諭陞南京國子學錄歷大理寺都察院司務會  
京師有警協守彰儀門有勞陞南京車駕司員  
外督馬政夙弊頓釐遷職方郎中邊事告急群  
議堅執登陴景亮謂五方襍處之地家無宿糧  
勿張皇致擾大司馬深然之出知延平府理冤  
獄平市價輕贖鍰在任八月以疾歸景亮秉性  
清介通籍十二年未嘗受私謁解組後與弟景  
南構玉蘭堂兄弟讀書其中日相酬唱著有職



方紀略劔津政錄

周之謨字公顯居大場遷嘉定西城通經學登萬  
歷癸丑進士授開州知州開民苦俵馬每一匹  
價十兩官扣其四軍衛復多橫索之謨因躬自  
給價而所進馬毛齒尺寸罔不知令無匹馬發  
換者民俗禱雨鞭旱魃至有斃孕婦碎屍骸者  
又多同姓爲婚皆力禁之考最擢職方員外郎  
旋以疾卒所著經解刻於開州官舍又著有四  
書旨意義經狐白兩蘇合刪諸子古髓性理集  
要綱目摘要古文統宗諸書崇祀鄉賢

王道通字晉卿居羅店邑諸生負經濟才雅不欲  
以文章名而文極古茂師沈賓喪心喪三年入  
其室終身不敢正坐精通聲律在長洲幕中聞  
鐘聲曰國將有大喪閱七日邸報至陳太后崩  
嘗居親喪邑令謝三賓往訪之道通辭固請乃  
不易服接見著有簡平子集

嚴衍字永思邑諸生父景陵字伯阜居十一都勤  
學好古工舉子業學使者拔冠九邑衍徙居嘉  
定邑城授徒精於史學以司馬氏通鑑中多疎  
漏作通鑑補五百卷閱三十年始成詩文渾灑  
有蘇氏風書法褚米作擘窠大字更奇偉爲人  
孝友篤誠鄉里尊爲大師歿祀鄉賢門人談允



厚字厚君邑庠生積學工文性行高潔以妹妻之補輯通鑑多得允厚力行幼子恒字久持亦工詩能書

馬元調字吳甫居邑之馬墳橋後遷嘉定南城五歲時聞張應武邱集論說輒佇聽不移足受學於婁子柔悉通經史每閱一書必購別本校勘點畫之訛一一改正學者稱簡堂先生城下時遇兵死

黃通理字中伯其先自嘗熟徙於嘉三傳至通理少苦學三十病癆瘵棄諸生隱膠之羅溪以經學授里中從游者皆知名士志行高潔翛然絕

俗日坐一室中焚香啜茗以讀書自娛凝塵滿席自如也性耿介又和易凡慕義而來者熙熙如坐清風中徐大宗伯顏中堂曰春陽人遂以春陽先生稱之孫與堅少孤苦力學登順治己亥進士

沈宏之字茂之賦形尪羸深於經術凡九邊要害馳驅抵掌如在心目曾入袁經略幕未得展其奇已而館涿州輯武事全書五載書成涿州以進御上悅之族弟廷揚例入中書宏之爲建海運策以是得上寵四年之間省解費數萬餘金皆宏之力也歸老江東不復出年八十有二臨



歿手不釋卷族弟徵佺能紹其緒著有江東志  
蘇時麟字泰醇孝友嚴恪終其身無欺人之語有  
子澆出繼仲氏遭外變不果立千金之產悉讓  
二季其敦骨肉而疎財如此有故人盜其室中  
物去後復至子弟不禮之嚴誡諸子曰彼以貧  
故為此何得傷親誼也平生惟喜讀書手不釋  
卷纂抄經子古文盈尺授諸子家貧鬻產以延  
師曰以產貽子孫不如以詩書貽之也明季徭  
役甚重不令其子赴公門曰秀才一入公門不  
獨學廢兼氣卑而顏厚矣長子澆為諸生早亡  
季子淵壬午舉於鄉

朱子素字九初性純孝母故下急事必先意承志  
所居名懷石山房庭下有孤桐先世手植百年  
物也讀書其下時承唐婁諸先輩後隱然以著  
述自命歲甲申需次宜貢竟不赴試輯歷代遺  
民錄以見志焉晚年游草有封禺銀陽二編又  
搜攷邑中人物詩文名吳嘯文獻分前後部凡  
五十卷臨歿時授其子晨曰此我未竟書也

國朝

許自俊字子位吳淞軍籍父大達有隱德自俊徙  
居嘉定北城康熙庚戌成進士時年已七十矣  
後九年授聞喜縣令分校辛酉鄉試尋乞歸又



三年卒年八十四自俊記誦談洽詩文絢爛一時傾動事父甚孝構遲日草堂為父招老友時每壺觴花卉之樂

蘇淵字眉聲弱冠為諸生貌清癯性愿恪言訥訥不出口偕伯氏澆讀書潛浦之上為制舉業如濯錦春江鮮麗奪目時未嘗有識之者同邑侯雍瞻素精月旦人號龍門一見淵文大奇之題其卷云如此文一字十縑猶云薄贈眾乃絀服壬午與黃淳耀陳俶並舉南闈三人者志行略同迨淳耀殉城難淵撫其孤俶課讀妻女折箸如子壬辰以副車例為碭山教諭日坐臯比與

諸生講道論藝隣壤負笈從游者甚眾後歸里閉戶著書邑中河漕諸大事惟淵持議鑿鑿不苟雷同著有或齋稿若干卷猶子樗什而藏之淵兄澆諸生性至孝從弟諸生澍晚而不遇彷彿遺山中州遺意著續練音集

孫致彌字愷似元化孫家貧好學才情藻逸尤長於詩康熙戊午和御製詩四十韻稱旨遂以太學生假品服為朝鮮副使購藏書是年中順天鄉試與修幸魯盛典戊辰成進士選庶常授編修壬午典試山西尋充纂修佩文韻府總裁歷官至翰林侍讀學士其纂修勤且久考核



詳慎書成而卒賜金以殮 救內務府護喪歸里生平著述甚富

李實字玉如居胡家庄自幼以孝聞好古力學修行不怠知縣陸清獻公試童子閱其文曰是必潜心理學者拔第一補諸生後得陸公指授益務寔學為入室弟子著有學庸順文一編長子天植廩膳生克紹父志次子錫秦歷仕粵西職司明刑矜恤好生不愧家學淵源

劉幹字上旋居劉行雍正甲辰進士出宰涇邑性戇直語無委曲為諸生時布衣蔬食沉浸六經子史有所得必書而記之著有易學敲音古今

類書二十卷清書體要十二卷

金潮字來青雍正七年歲貢與李寔同為當湖陸清獻公高弟潜心力學脩身勵行儀封張清端公撫吳時聘入紫陽書院講明理學後陞任總督倉場仍延邀同往纂輯書集著有學庸集說施燧字禧石自幼敏慧於書無所不讀十四歲父亡即接父館訓徒改削舉業無不心服入泮後試輒冠軍

聖祖幸江南獻詩賦獲選雍正癸卯黃崑圃典試南闈及放榜燧置副車深為憾事延至家訓其子姪著有筠坡詩文集



張雲章字漢瞻世居橫港晚遷嘉定南城居父喪  
 幾至失明奉母垂四十年老而孺慕撫教四弟  
 俾各有立受業上海朱瀚善詩古文湘潭陳公  
 鵬年為序其集嘗從清獻陸公問學以廉隅自  
 砥礪年七十九以太學生終於家先是興化李  
 總憲栴延至家園補葺其先人映碧先生所增  
 注南北史閱七載始成康熙癸巳九卿薦徵至  
 京師預纂修尚書館訖事告歸張清端伯行  
 素重其文行時總督倉塲留主潞河書院

沈卓字穎發居十一都沈港父早喪事母至孝家  
 貧不能延師寄食僧舍執經於陸燿三年遂通

六籍工詩文積成卷帙康熙庚子登賢書後不  
 數年病亡惜未展其懷抱

按儒者遜志好脩進蜚竹帛之光退有鄉曲之  
 譽雖龍躍蠖藏顯晦殊致要以力學窮經則一  
 也寶山碩彥接踵編次儒林繼自今頻獲遇斯  
 人焉不更深余之欣慕哉



隱逸 十一人

元 嚴恭字景安居黃姚父倣仕通山縣尹恭才藻斐然恬淡不樂仕進嘗築室海上號惜寸陰齋以琴書自適後避亂於青龍之章堰

明 王翹字叔楚一字時羽居羅店補諸生旋謝去饒有機略嘉靖間倭亂嘗居軍中贊畫詩宗孟郊画工風竹草蟲時仿米家山水酒酣濡筆求者無不滿意去豪貴強之即不可得冬月詣故人金兆登宿兆登伺其寢潛以新衣易之質明仍索鶉衣服之而去著有小竹山人集

沈宏正字公路由八都徙居嘉定東城母喪三年不御酒肉以次諸生絕意仕進天啓初詔求岩穴之材大臣疏薦謝不應為園十畝有水石竹林之勝詞客酒人常滿坐性喜聚書所藏多善本晚以病杜門謝客殫思著述有蟲天志小字錄枕中草救荒書兔置野談印錄墨譜諸書孫和斗字九野居江東中丞元化仲子孝廉致彌其子也篤於孝友乙酉城破弟諸生和京夫婦死難和斗與兄和鼎謝去諸生理名著書不涉世務或諷以仕輒不應食貧偕隱泊如也著述甚富藏之家塾



殷開之字長文居大場邑諸生職方郎都長子閉戶讀書絕無紈袴風雷學士思需為職方門人授以要津劄遜謝之贈以百金亦辭不受其志節有足尚者

沈宏祖字彥深高才博學與金壇婁東並主文壇邑有大事有司咸往顧問崇正朝以永拆事叩闈稿出其手得以俞允遇歲荒糶給官米有司令宏祖主之民得實惠平生具經濟才當道欲薦舉宏祖不樂榮仕力謝之高隱以沒子承祐已卯武科

國欽

馬舒字應之居馬墳橋元調子少承家學博洽群書絕意仕進屏居荒邨資硯田以餬口工古文詞聘修邑志成後預補修痼疾大作竟不復竣事而歿

申艇字師舟居羅店三歲而孤母楊氏撫之成立讀書砥行中明崇正己卯副榜後隱居奉母授經以老著有見聞隨筆

沈卜琦本姓卜字一韓居江東少從中丞孫元化遊具經濟寔學元化治兵邊關卜琦常在軍幕已而歸里補諸生後屏居村塾口不談時事及歿崑山諸士儼私謚之曰景白



沈晉公字二裴羅店人篤於孝行善詩文尤長樂府為當湖陸公所器重陸公致仕歸里邑人侯大年往候之問及二裴大年愕然不知陸公曰此高士子未識乎大年歸即與締交一時名士爭往候之然終杜門不出著有排齋詩集信古齋北曲進士趙俞為之立傳

黃堡字雲沼明進士淳耀子四歲而孤及長工詩能文絕意應舉隱居授徒以老為人介特有守上琮字文琦進士從子孝親力學工詩善醫居貧終老堡子正儒庠生一統志館議叙府經歷

附 藝術 八人

元 譚友文字士元居月浦精陰陽家術仕至朝散大夫判太史局居官廉謹雖身見知權要未嘗以干請自溷時論重之

明 金大雅字伯醇少稟伯兄大有之訓奮自力學有名於庠旁通軒岐之書歲太侵人多病疫所治輒效速邇爭迎之父母遇疾朝夕侍側不去所投藥必遍檢方書或虔禱於神然後為劑以進其孝誠類如此一人少年在官置婦於家子身劇上郡久之病瘵而所述病狀殆近女如蠱人疑其客舍有私大雅往察脉曰今病在右言左何也豈得之酒乎此不過兩劑即起但病起後當



脾肺兼補以須元氣之復耳已而果然平生好  
急人之病有求必應故人無戚疏咸禮重之

傳璪字汝文居江東世業醫璪視病決死生無  
不驗者有沈某妻死而未殮璪視之曰尸厥耳  
不死也急治湯液灌之應手而甦嘗與鄉進士  
沈積同舟卧診其足脉歸語積父曰郎君殆有  
疾徵不宐令與計偕不為意卒道死其神異多

類此授醫術訓科

王綸字子音居羅店能文解歌曲嘗以紙鑿燈帶  
人物花鳥諸形工細稱絕

國朝

李繼隆字持盈新安人遷居江灣善岐黃子維界

字大千能傳父業嘉定知縣馮聯芳給匾

張古民字仁遠號南田世居楊行後遷羅店善山

水絕似長衡筆意訓徒嚴而有法爭延為師咸

號南田先生

張濤字紫瀾居楊行業醫尤長於傷寒有起死迴

生之術

俞嘉言字世則居吳淞初習外科後兼大方名噪

一時遇貧者求醫雖肩輿迎候盈門必徒步先

往治之年八十二而卒

附 仙釋 四人



智恆禪師梁天監中住錫沙浦塘聞聲中有獸為  
虐因跌坐經旬偶村叟饋食見有二虎馴狎左  
右里人為剏寺居之

黃上仙嘗遊京師值歲除遇高橋鎮故人以北運  
羈燕語及旅中卒歲之況謂其人曰汝欲飲椒  
簪柏於家乎是不難當為子圖之汝第晚憇歸  
舟閉目熟睡勿聲息可即至也其人素神其術  
即如其言捲篷扁艙偃息以俟耳畔忽聞風雨  
聲終夜弗息迨曉聞呼篙工起棹推篷視之舟  
至吳淞江左矣不知所自來第遺木葉數莖於  
舟尾耳更聞有附舟者拳曲舟尾半夜舒腰反

側即從空而墮明發詢之乃維揚北境也

顧元本清浦里人家貧落魄為黃冠浪跡江湖遇  
異人授以五雷符篆之訣歸試甚驗邑大旱大  
尹召之請雨元本以禮倨不見但書一符於瓦  
授縣役令歸報命大尹怒擲瓦階下瓦碎雷從  
碎聲出大雨如注靈驗多此類元本書符皆不  
用筆或以指畫或用草樹枝但書神將即見形  
書退符即退一日登廁以手虛書將已至令取  
拭穢紙及起雷擊死其書亦為雷火所焚莫傳  
其術

朱癡不知名居高橋鎮負擔為生一日為勢家所



虐顛發成狂久之得秘授常卧大雪中所棲無少沾每浣衣濯足天必雨或數日不飲勺水已復噉啖如初好事者為結茆於鎮東界溪之側太倉相公歸休病中恍見蓬首跣足若丐者狀稱為朱仙覺而異之詢知青浦有異人圖其形與所見無異因偕子辰玉訪之與之言多隱語與之酒辭屏語家中事亦不答於是三吳諮訪者接踵而至朱癡自此頗厭見人每掩龕憇息或旬日不出如是數年人習為常一日啓龕視之已僵脫矣蓋尸解也歲餘人有過當湖武林間鶉結如故忽憶其亡久急蹤迹之已失所在矣時萬歷三十六年也

按攷古不能使野無遺賢矣堯舜在上巢許在下也編分邑志述其嘉遜邱園優游自得與物無私有足稱者藝術小道可觀由來尚矣其思吳超元解能擅靈竒未可以雕蟲小技壯夫不為而槩棄之仙釋雖教異吾儒但其撇却塵氛從容羽化俱寔有操修得力非同偶然曷可以歸於冥茫竟置勿論故並附編次焉



流寓 五人

元 趙孟頫字子昂吳興人父為黃姚場大使因往來嘉定嘗館大場沈文輝家文輝方建義塾孟頫乘輿遽於木板上作義塾二字自謂愜意及後累書不逮竟用初筆

吳野人名輒字中行越之台州人元末羣雄並起嘗辟輒為幕客已知天命有歸遂遜跡泖濱懸壺陳溪之上顏其室曰野人居雲林為之繪圖而鐵崖龜巢諸詞人咸咏歌以誌其勝後徙青浦里之天仙術今其宅東有始祖墓即野人宅兆也子孫世業醫

焦白字任道淮南人才志不羈張士誠辟為湖學教授不就以詩畫自適明初蒐儒白變姓名寄食邑人林元家一夕心動省母吳城為門校察知延訓諸子郡曹迫至部乞歸養弗得或諷曰君頎而髯黃金加鞶爵列侯等不愈於帶索耶白不答卒年五十

楊維禎字廉夫會稽人元泰定進士累官江西儒學提舉號鐵崖徙居松江往來吳淞諸大家爭尊事之碑刻題咏多出其手所著有宋遼金三史正統辨史鉞史義拾遺麗則遺音古樂府

國朝



董德其字杞瞻原籍松江父宏度叔宏儒皆以經師教授邑中至德其遷居廠頭康熙戊午舉人需次縣令不赴選居常安貧味道志行卓然有兩世詩文集從弟歲貢生德華壬辰進士宏其子也

按流寓非本地人才矣其遺文軼事嘖嘖口碑實有可以稱述而既遨遊寄居於此謂非此地之人才哉第究與土著不同因以流寓列之

列女

明 徐氏名懿順大場徐霽女許字諸生甘應麒未嫁

夫亾聞訃欲詣甘父母不許請送葬又不許遂

自經嘉靖七年詔旌郭山傳見藝文

水氏吳金妻金漁吳淞江上為虎所噬金兄奔告

水即挺刃往格亦歿於虎祀節烈祠陸剛中刺

虎行見藝文

顧氏八都沈鵬妻天順五年七月海溢姑與夫俱

死次日遂自沉長子湘有文學郡人都穆為之

立傳

嚴氏十一都南學女未嫁夫亡父母議再字女聞



勺水不入口家人強進糜嚴嚼碗哽吻而死嘉靖初年

孫氏上海刑部司務鶚女八都生員沈思道妻少知書夫病瘵死即引刀自刎以救免百計自殘家人旦夕守視明年七月扶柩營葬又投江救起事畢醉侍女高戶自經年二十七嘉靖十九年詔旌祀節烈祠

劉氏月浦潘日期妻十七歲而婚產一女日期死值歲祲竭力養姑常自忍饑居二年有欲奪其志者劉聞泣與父母訣返祭夫哭盡哀高戶自縊年二十七萬曆十八年詔旌祀節烈祠王道

通傳見藝文

熊氏吳淞生員王度妻度貧携家受徒于崇明之南沙聞倭至夫婦負子女匿葦叢中賊追及之見熊有姿色欲執之去度抱持甚固賊以刃亂砍熊翼蔽度度免而熊以傷重死提學趙鏜聞之賻米三十石御史尚維持奏聞詔旌祀節烈祠宗伯徐學謨為之立傳

殷氏八都黃龍妻龍死殷請守節舅姑疑其偽里兒慕氏賢強委禽于舅姑殷固請辭弗聽乃告其姑曰婦不得已將改嫁矣幸延吾母及鄒氏姑為別鄒氏姑者龍母黨龍幼寄育併為娶婦



者也二母至婦進酒饌且拜且泣曰諸大人飲食自愛長與膝下辭矣即行哭入房為改服狀久之不出聞刀落聲排戶視之已自刎矣時天啓元年其家膏葬後二十三年男張錫眉為合葬進士黃淳耀為立傳祀節烈祠

王氏楊家行黃淵耀妻貢生王雲程女氏當夫殉難之次日拜別姑嫜祭奠先靈縫周身衣投河死祀列女祠

秦氏名桂芳七都陳時康妻十七歲夫亡遺腹生子常倫守節撫孤姑疾割股以療嘉靖四十三年詔旌年八十三而終祀節烈祠

邱氏七都殷冲妻二十七歲夫亡事姑孝遭倭警避入城募人夜縋城瘞夫櫬奉先世木主入城姑歿葬兩喪盡禮萬歷十年詔旌和節烈祠知縣朱庭益表其墓

潘氏吳淞舍人馮慶妻十九歲慶渡海溺歿氏以死自誓撫遺腹子繼光家貧茹苦年七十萬歷間詔旌祀節烈祠

湯氏吳淞舍人馮郊妻二十三歲夫亡家貧子幼姑老病力作以養萬歷間巡撫胡執禮題旌月給膳米祀節烈祠

許氏吳淞百戶徐澣妻十九歲夫亡姑憐其少欲



嫁之氏籲天灼臂誓不可奪所司聞之監司歲給夫祿之半膳養嘉靖甲寅寇亂從母兄百戶許英避居邑城卒年七十英歸其喪合葬夫穴顧氏崑山御史潛女劉家行生員劉在妻年十七而婚五載夫亡守節三十八年歿時乳生疽家人請療顧曰婦人之身豈可令醫者見遂以麻縷百結其身不食而死與徐楊童等三氏俱妯娌稱一門四節龔錫爵四節婦傳見藝文

徐氏劉璩妻年十八而婚四載夫亾守節四十四年

楊氏生員劉載妻年十八而婚逾年夫亡守節五

十四年

童氏劉岑妻年十八而婚未兩月岑死守節五十年與顧徐楊妯娌也俱無子楊童遭倭亂室燬不肯僦居並棲草舍茹素終身死後宗人劉鋒塋之

黃氏八都沈燧妻二十九歲夫亾守節五十年盧氏廣福鎮須講妻二十一歲夫亡值倭亂歲祲艱苦備嘗孝養舅姑撫育遺孤守節四十年萬歷十三年臺使獎給粟帛歿年六十七歲

尹氏吳淞軍餘劉棟妻萬歷二十五年生子嘉爵值倭亂棟從軍死尹撫孤守節三十餘年



顧氏八都生員沈錫類妻避倭之湖州夫疫死兩子俱幼氏扶櫬歸教養二子守節五十六年終年八十歲

傅氏八都沈珠妻年二十五夫死於倭結禱甫四月家貧傅啣指自誓守節三十三年

曹氏八都沈自正妻年二十三自正以徭役溺死呂梁訃聞慟哭嘔血死三日復甦言獲見其夫具黑衣冠當以某日至如期櫬還既葬氏舉刀欲刎又解腰絰自經並以救免孤肯三歲腹尚有娠值倭亂流離播遷子後廢疾卒年八十有三

孫氏八都吳里妻年二十里死於倭氏負其姑東西奔竄比寇平而姑死盡鬻遺田六畝以供喪葬日無再食之資及病篤語子婦曰自爾父亡我衣此衣四十年勿復以新衣衣我因親紉其衣而瞑

蔣氏名淑賢大場沈傑妻傑死無子守節至九十餘歲

張氏大場沈恂妻二十八歲而寡姑在堂子在抱紡織以資養育守節至七旬而歿

張氏吳淞副千戶莊肅妻二十三歲夫亡子重甫三齡氏力作奉姑撫孤守節至五十八歲巡按



溫應祿表其閭

章氏父家常熟嫁吳淞宗時年二十一歲夫亡遺

孤孟甫六歲歸常熟寄食母家迨孟娶婦欲歸

吳淞親屬難之章曰兒已成立當為松楸計豈

得因寡婦人長依外家耶卒歸吳淞臺府給獎

陸氏吳淞百戶謝國輔妻國輔奉差戍廣東氏年

二十六歲一子一女在抱太姑及姑俱年邁氏

毀容紡織以供衣食守節至老

侯氏劉鑑妻年二十歸鑑五載鑑死守節五十四

年崇正十三年臺使交獎任劉行天號十一畝

陸氏八都沈顯祖妻二十九歲夫亡守節終年六

十歲

馮氏府庠范嘉允妻二十二歲夫亡子甫數月撫

至十六歲而死馮不櫛沐不茹葷都督李獎曰

崇褒懿節嗣子吉娶蕪氏五年吉溺死蕪亦苦

節死馮終年八十婢玉梅事馮不嫁馮歿哭死

沈氏周號四十七畝金士琰妻年二十三而寡遺

孤鑾甫一歲矢志守節耕織茹苦訓子成立年

九十歲督學李以母節子孝給獎

徐氏楊行張用中妻夫亡守節

陸氏宣恩妻二十四歲而寡遺二子長四齡幼穉

襁夫死誓以身殉三黨以撫孤力勸之因截髮



毀容勤紡織以自給冰霜貞操歷四十年如一  
日孫鑣邑諸生

徐氏嚴家角嚴聖始妻二十二歲夫亡無子舅姑  
方在殯徐矢志守節家奴乘亂為不逞徐以身  
蔽護三柩叱曰貲可刼頭可斷柩不可焚也奴  
縛投烈焰中火隨滅無恙後卒營塋如禮終年  
七十八邑人趙俞為立傳

楊氏羅店申畋妻二十八歲夫亡守節撫三歲孤  
艇崇正己卯副榜氏終年九十一歲朱子素詩

序見藝文

施氏羅店進士鳳儀妹生員戴高妻二十九歲高

死截髮毀容撫孤守節舅戴靖死於兵施從兵

燹中匍匐收殮又數年子天鞠育幼孫終年六

十九歲

林氏吳淞百戶馮珙妻二十七歲夫亡撫孤守節  
三十餘年

王氏羅店朱巨卿妻年二十而婚未幾巨卿死于

兵王欲殉舅姑以懷娠勸止之守節二十八年

崑山諸士儼為立傳

宗氏涓浦蘓時化妻二十七歲夫亡子融甫五月

守節撫孤家奴變逆宗度不免哭于柩旁諸僕  
至門皆自悔曰三十年老寡婦豈可驚之遂散



去陳瑚作傳見藝文 國朝順治十三年

詔旌

趙氏裳號沈燬妻二十八歲而寡家貧以紡織供朝夕守撫二孤長大忠次大志母病先後割股以愈其疾天啓五年旌表

趙氏稱號徐端翼妻年二十一夫亡矢志守節萬歷四十一年旌表

封氏生員趙允淑妻二十二歲夫亡矢志守節教養遺孤孝事翁姑年五十九歲而終

戴氏儒士王佳穎妻二十一歲而寡撫孤夫亡矢志守節終年八十二歲

國朝

李氏父南翔富家無子氏年十八適湄浦蘓潤五載夫亡置木主於卧室飲食相對里兒艷其富且美賂夫兄謀娶之李聞怡然曰吾固知吾不終也請設祭而後行祭畢慟哭入內自經時順治初年

須氏吳淞金光國妻年二十三夫亡撫週歲子鼎鎔成立既娶復天與媳曹氏撫孤孫潢至六十二歲而終順治九年憲獎祀節烈祠媳曹氏七十七歲而終雍正六年 詔旌一門雙節

沈氏金士琰妻年二十三歲而寡矢志守節撫孤



鑾成立終年九十歲

以上順治年間節婦

黃氏大場葛子延妻二十七歲夫亡舅姑以家貧  
諷之改適黃以死誓耕織養舅姑撫嗣子守節

三十四年

楊氏羅店朱伯雅妻二十九歲夫亡矢志撫孤子  
迪以孝稱守節四十二年

朱氏羅店丁尚符妻二十四歲夫亡守節三十四

年

楊氏羅店胡敬坪妻夫亡守節撫子成立年八十  
一而終

沈氏江東張敬懷妻二十九歲夫亡守節年七十  
七歲而終

以上康熙年間旌表

錢氏月浦莊天階妻二十歲夫亡守節三十九年

黃氏七都金泰成妻二十四歲夫亡守節四十二

年



徐氏江東顧寧宇繼妻一十三歲夫亡守節四十九年

瞿氏江東張暉吉妻二十一歲夫亡守節四十六年

李氏大場吳友梅妻十九歲夫亡事姑盡孝守節五十二年

嚴氏羅店生員龐灝妻二十八歲夫亡守節四十一年貢生龐王遴其子也宮詹張鵬翀為立傳

徐氏江東鍾玉儒妻玉儒依母族居七都徐年十九二十二歲夫亡紡織自給守節至六十五歲而歿

龐氏羅店監生范鳳翔妻十九歲夫亡撫六月遺

孤之顛為邑庠生守節五十三年

唐氏大場江序妻十九歲夫亡矢志守節孝養舅姑年七十四歲而終

施氏沈耀宗妻二十二歲夫亡守節四十年

徐氏霜號金瑞生妻二十八歲夫亡守節四十三

年  
馬氏趙又韓妻二十五歲夫亡守節六十一年

李氏大場儒童吳松妻二十二歲夫亡守節三十

二年

以上雍正年間旌表



浦氏七都茂甫女年十四許字周恩次年夫亡氏於母家守貞終年七十餘歲

范氏羅店儒童唐湛聘妻湛死氏年二十二歲歸唐守貞孝事翁姑終年四十五歲

顧氏洪號朱方暉聘妻夫亡過門時年二十六歲守貞三十九年

袁氏霜號沈運妻年二十一歲里兒欲污之白忿縊死

謝氏吳淞馮曰樑妻二十二歲樑歿於京師撫週歲孤煖長娶劉氏時劉年八歲越五載煖卒劉氏亦二十三而寡姑媳相依茹苦畢生謝守節

四十一年劉守節三十一年

陳氏大場監生唐懋才副室十六歲適唐六載而寡撫孤守節三十年

邵氏有號陸斌妻十九歲而婚二十三歲夫亡守節終年九十四歲

施氏大場周德深妻二十一歲夫亡撫遺腹子楫成立守節四十五年

程氏月浦徐聞昌妻二十二歲夫亡守節三十二年

張氏羅店王涵文聘妻涵文死氏年二十二歲過門守貞侍奉翁姑撫三歲叔又殤撫嗣子成立



張氏芥號黃揆九妻二十二歲夫亡生遺腹子天  
守節三十六年

錢氏芥號李思資妻二十八歲夫亡守節四十六  
年

陳氏發號王維彤妻二十八歲夫亡守節三十四  
年

楊氏生號桂元彩妻二十九歲夫亡守節四十三  
年

李氏生號桂庭彩妻二十六歲夫亡守節三十四  
年

張氏發號楊維節妻二十九歲夫亡妾陳氏十八  
年

歲適楊時年二十一歲兩氏守節皆三十二年  
金氏發號壽朝錦妻二十六歲夫亡守節三十五  
年

王氏八都沈思齊妻二十六歲夫亡守節四十一  
年

楊氏唐季仁妻二十七歲夫亡守節四十七年  
徐氏盈號三十五齒陸源妻二十六歲夫亡守節

四十七年  
徐氏盈號監生瞿集聲妻二十一歲夫亡守節三

十六年  
王氏盈號陸桂妻二十六歲夫亡守節三十一年



潘氏秋號潘儒珍女張龍聘妻母歸寧王連覘氏  
獨寢強污之氏震撼儒珍救免氏含忿自經死

黃氏露號李楷妻二十八歲夫亡守節四十五年

張氏崗號庠生高琦妻二十六歲而嫁未及一載

夫亡無子守節四十九年

徐氏珠號沈仲明妻二十八歲夫亡守節五十七

年

沈氏芥號姚惠傳妻二十六歲夫亡守節四十三

年

張氏裳號楊爾能妻二十六歲夫亡守節五十三

年

楊氏村家庄李蕓妻二十七歲夫亡守節四十二

年

譚氏露號李春隆妻二十九歲夫亡守節六十八

年

張氏裳號生員楊漢妻二十五歲夫亡守節三十

年

李氏生號儒童諸文謨妻二十六歲夫亡守節五

十一年

吳氏楊行沈德培妻一十九歲夫亡守節四十五

年

辛氏八都楊啓麟妻二十四歲夫亡守節二十二



年

嚴氏號字號黃集福妻二十歲夫亡守節三十六年

張氏周號金光啓妻十八歲而嫁旋即夫亡守節四十一年

甘氏姜號吳君馨妻二十九歲夫亡守節四十年

三年

陸氏金號生員周冕妻二十六歲夫亡守節三十三年

顧氏羅店奚昌社妾二十八歲夫亡撫育四孤家徒壁立族人謀佔其居諷以改嫁顧峻拒之守節三十七年

顧氏楊行沈為妻二十五歲夫亡守節二十六年

周氏周號十六畝金鼎妻二十二歲夫亡守節至

四十六歲而終

盧氏為號朱士才妻二十二歲夫亡守節三十一

年

甘氏生號陳德明妻二十九歲夫亡守節三十四

年

吳氏夜號東五畝施于明妻二十九歲夫亡守節

四十八年

顧氏雲號周穎懋妻二十一歲夫亡守節五十九

年



張氏雲號周天爵妻二十七歲夫亡守節五十九年

張氏推號高含芝妻二十八歲夫亡守節四十六年

沈氏衣號高尚源妻二十八歲夫亡守節五十七年

王氏衣號許高妻年二十六歲被里兒調戲自經死

吳氏裳號陳敬山妻二十九歲夫亡守節三十三年

沈氏珠號姚繼徽妻二十八歲夫亡守節四十五年

年刑部員外郎董洪有傳  
吳氏雨號夏宗煥妻二十一歲夫亡守節三十九年

沈氏巨號張有榮妻二十三歲夫亡守節三十一年

王氏羅店沈公執妻二十八歲夫亡子甫四月紡織撫子葬翁姑守節五十餘年

倪氏生號監生於景濂妻二十六歲夫亡守節五

十三年

張氏霜號茅鳳翔妻二十九歲夫亡守節三十年

吳氏發號生負管徐琮妻二十六歲夫亡守節四



十六年

吳氏馬鳴岐妻二十五歲夫亡守節三十五年

周氏張子英妻二十九歲夫亡守節五十五年

楊氏侯蓋臣妻二十四歲夫亡守節五十三年

劉氏徐子榮妻二十六歲夫亡守節二十八年

顧氏周號盛三泉妻二十七歲夫亡守節四十六

年

張氏口號陸恩祥妻二十四歲夫亡守節三十五

年

徐氏巨號朱斐若妻夫亡守節歸寧母家婁縣逆

僕陳阿二入室圖姦不從被刀戳殞命乾隆六

年 旌表

錢氏月浦陳發育妻夫亡守節唐楊全圖姦不辱

投縲死乾隆六年 旌表

朱氏雲號張齊英妻二十六歲夫亡守節五十五

年

王氏雲號張宏德妻二十一歲夫亡守節四十年

楊氏字號周成千妻二十二歲夫亡守節三十八

年

楊氏霜號儒童張德純妻二十八歲夫亡守節三

十四年

陶氏夜號張大烈妻二十四歲夫亡守節三十六



年

馮氏黃號李朝英妻十九歲夫亡守節三十九年

沈氏虞號湯綴侯妻二十七歲夫亡守節四十年

張氏為號沈為川妻十八歲而婚七月夫亡守節

三十一年

施氏有號陳孟和妻二十八歲夫亡守節五十三

年

施氏吳淞宗書城妻副榜施燧之妹二十六歲夫

亡守節四十三年

李氏生號張文達妻二十四歲夫亡守節二十八

年

吳氏藏號王爾章妻二十歲夫亡守節三十七年

王氏巨號黃周司妻二十二歲而嫁甫十月夫亡

守節三十一年

許氏金號張國瑞妻二十五歲夫亡守節四十三

年

沈氏黃號袁允昌妻二十三歲夫亡守節四十五

年

封氏羅店范光昭妻光昭遇兵死氏年十九欲投

河以殉姑以氏有娘力勸止後生女撫姪為嗣

終身坐卧一小樓未嘗聞言笑年四十七而歿

崑山諸士儼為立傳



錄氏衣號陸聖儀妻二十歲夫亡守節五十五年

徐氏周號儒童金其章妻二十五歲夫亡守節三

十六年

傅氏日號儒童黃振先妻二十五歲夫亡守節三

十五年

顧氏盈號沈云石妾二十二歲而寡守節四十年

殷氏餘號顧尚瞻妻二十八歲夫亡守節三十八

年

沈氏歲號徐允大妻二十一歲夫亡守節五十年

俞氏露號須佩聲妻二十九年夫亡與副室莊氏

年二十二歲同守節三十八年

戴氏宙號須自樹妻二十九歲夫亡守節五十年

沈氏稱號儒童徐桐妻二十八歲夫亡守節四十

三年

朱氏洪號王緯繼室二十九歲夫亡守節二十六

年

莊氏朝號蔣文衡妻二十歲夫亡守節三十九年

趙氏問號陳仁譽妻十九歲夫亡守節五十三年

趙氏黃號明延平府唐景亮妾嫡姚氏無子趙生

子燦甫六歲景亮卒趙年二十七撫孤補諸生

又亾同媳施氏撫諸孫年終七十五

符氏生號程溥妻十七歲夫亡守節三十五年



潘氏裳號生員顧杜高妻二十四歲夫亡守節三十一年

嚴氏王志鳳聘妻十五歲志鳳天氏過門守貞五十歲而終

朱氏崑號錢敬妻二十八歲夫亡守節四十五年  
趙氏為號徐師信妻二十四歲夫亡守節三十一年

嚴氏羅店華鏞妻夫亡二十五歲守節三十七年

支氏崗號鄭清如妻二十二歲夫亡撫孤成立守節三十年

張氏結號楊啟楨妻二十四歲夫亡守節三十八年

葛氏字號張廷元妻二十三歲夫亡守節三十七年

潘氏秋號管國彥妻二十六歲夫亡守節三十五年

何氏月浦陸廷議妻二十五歲夫亡守節四十八年

林氏七都桑進賢聘妻未婚進賢卒氏年二十歲守貞三十二年乾隆九年詳旌

沈氏揚行張昂聘妻父母死依孀嫂以居未嫁昂死請之嫂衰經奔喪舅為立嗣越六年痘殤姑



欲奪其志遂自縊時康熙三十五年年二十五  
歲乾隆九年里人公籲詳旌劉幹傳趙俞詩見  
藝文

朱氏巨號沈國祥妻二十七歲夫亡守節五十一  
年

鄒氏雲號錢憲英妻二十九歲夫亡守節四十三  
年

須氏為號西四十七畝王祖才妻二十五歲夫亡  
守節三十年

錢氏羅店高永祚妻二十八歲夫亡守節五十二  
年

金氏元號顧永熙妻二十三歲夫亡守節五十一  
年

張氏黃號施麟瑞子恒宗妻二十二歲夫亡一子  
天守節三十二年

沈氏雲號蘓子馨妻二十九歲夫亡守節五十二  
年

蔣氏崑號曹嶼丹妻二十八歲夫亡守節三十八  
年

宋氏元號金方平妻二十四歲夫亡守節三十九年  
楊氏羅店潘志禮妻二十四歲夫亡守節二十八  
年



王氏崑號生員曹介侯妻二十七歲夫亡守節三十九年

程氏楊行劉志鵬妻二十八歲夫亡守節二十四年

朱氏徐啓明妻二十歲夫亡守節六十二年

陳氏張玉如妻二十七歲夫亡守節四十年

朱氏金方平妻二十一歲夫亡守節三十九年

以上乾隆元年至九年詳題旌表

張氏吳淞顧讓妻十六歲歸讓逾年舉子而夫亡

氏矢志守節姑老目盲晨起舌舐之久而愈子

發逆痘鑿稱不治泣向空禱得甦撫養成立終

年七十二歲

祝氏金號儒童談尚承聘妻年十六歲尚承亡祝

奔喪守志孝事舅姑撫教嗣子現年五十一歲

印氏裳號儒童黃永年妻二十一歲夫亡守節孝

事舅姑撫教嗣子終年四十三歲

萬氏盈號生員顧陶成妻二十八歲而寡矢志守

節敬事舅姑恩撫嗣子現年五十九歲

顧氏閏號蔡懷城妻二十四歲而寡矢志守節撫

三歲孤思言成立現年六十一歲

李氏騰號哈天秀妻二十五歲而寡矢志守節撫

孤成立現年五十九歲



陳氏 崑號曹振全妻二十五歲夫亡矢志撫守節三十一年

顧氏 裳號沈為之妻二十五歲夫亡矢志撫孤守節二十六年

劉氏 洪號儒童宗照妻二十六歲夫亡守節現年七十歲

金氏 虞號儒童韓舜顏妻二十五歲夫亡矢志撫孤守節現年五十六歲

金氏 衣號曹啟六妻二十三歲夫亡撫嗣守節四十年 支氏曹裕玉妻廿二歲夫亡守節廿年 妯娌雙節

以上乾隆十年具詳請旌

蔡氏 發號孫希賢聘妻年十八希賢死欲往守貞

父母翁姑俱不許遂絕粒五日死合葬黃泥涇

須氏 天號十四歲母病弟幼竭力奉母十六歲許

字嚴步瀛未嫁嚴死氏過門矢志守貞

趙氏 裳號顧玉瑞聘妻未娶而亡氏年十九守節

母家五年翁憐之迎歸家貧茹苦守貞

黃氏 大場霜號儒童般宗聘妻雍正二年般未娶

而卒氏年二十四歲過門守志撫族人子為嗣

又殤婢雲娣感氏貞節陪守不嫁共相紡織堅

志守貞

陸氏 廣福王乾妻乾病氏紡織供醫藥卒不起殮

後自縊死年二十五歲時康熙五十年

沈氏 楊行張氏養媳夫數犯之沈峻拒猶弗止乃

密紉其衣赴水死時年十六歲

譚氏 月浦唐廷賢妻二十五歲夫亡遂自縊知縣

趙向奎獎曰生氣猶存



王氏元號陸時登妻年十八而嫁二十歲夫亡越三月絕粒死

朱氏收號孫才妻年十九嫁次年雍正壬子大飢才病氏流乞供養夫欲賣之不從夫死葬畢赴水死

王氏吳淞馮應元妻二十九歲夫亡撫二孤守節舅髦年病癰穢氣達戶外氏洗滌醫藥八年不懈康熙八年憲獎

朱氏七都金士珪妻二十九歲夫亡撫姪為嗣守節七十七歲而終

曹氏十四都秦穎發妻夫亡時年二十九歲家赤貧奉孀姑馬氏躬耕操作撫育遺孤苦節至五十八歲而終

蔡氏楊行闕奇妻年二十七歲夫亡家貧勤苦撫孤守節四十餘年

許氏進士自俊妹吳淞舍人馮繼奎妻二十歲夫亡嘗割股療姑疾守節至老知縣余敏匾獎祀節烈祠繆彤謠見藝文

陸氏江東凌祖生妻三十歲夫亡僅一女苦節至七十三歲歿

陸氏廣福須凝仲妻夫早亡撫孤苦守三十餘年至六十一歲歿孤廷鼎割股療母病



孫氏七都金鉉妻二十九歲夫亡苦節至六十一歲而歿

徐氏七都金潛妻二十五歲夫亡守節至六十一歲而歿

王氏八都沈乾妻二十五歲夫亡遺孤數月氏毀容守志至七十六歲歿

劉氏羅店生員龐溶妻二十二歲夫亡止一女繼姑性悍劉事之甚孝後嗣子不能養依其女以歿守節二十三年

顧氏羅店沈壽妻二十七歲夫亡遺一子一女家貧且微里兒艷其姿百計謀娶峻拒始免勤勞

女工撫養子女後子死遺孫復行撫養年七十餘歲

張氏楊行楊元簡妻張事夫甚謹年二十四歲而寡撫孤守節越三十二年而歿

周氏楊行張敏妻敏于順治二年死揚州周年二十八歲撫孤守節至八十三歲終

張氏楊行王貴甫妻嫁六年而寡無子守節至七十六歲歿

曹氏吳淞馮際陽妻二十四歲夫亡子甫五歲族人謀產欲害之徙避郡城子死又撫遺孫四人

至髦年終



嚴氏廣福湏大英妻二十二歲夫亡孝事舅姑撫育二子守節至七十二歲歿

沈氏十一都徐之桂妻二十歲夫亡無子守節至六十六歲歿

施氏江灣康信侯妻二十四歲夫亡苦節四十年而歿

劉氏吳淞傅明倫妻年十八嫁未期夫客死守節七十歲歿

賈氏吳淞蔣嘉猷妻年二十三歲結褵半載夫亡撫遺腹孤天爵及長娶媳吳氏天爵又亡吳撫孤孝養邁姑一門雙節

顧氏吳淞生員張平妻二十九歲夫亡守節截髮置夫柩前終身不櫛沐年九十五終

金氏吳淞徐載鰲妻二十七歲夫亡撫五齡孤苦節六十二年

車氏吳淞劉行吾妻二十七歲夫亡截髮矢志苦節五十九年知縣李士甄給獎

朱氏關號黃成甫妻二十七歲夫亡家貧忍饑撫孤歿年八十六歲縣獎

張氏江灣程某妻二十四歲夫亡家貧撫孤又采苦節至六十二歲歿

趙氏進士趙俞妹真如江槓妻年二十四槓客死



撫姪為嗣守節五十年坐卧一小樓親戚罕見其面禮部尚書韓菼匾獎

閔氏潘家橋張士楷妻二十五歲夫亡無子抱撫嗣子守節至七十三歲歿

王氏騰號曹子奮妻早寡苦節四十餘年年七十餘歲縣獎

顧氏吳淞生員許光國妻二十三歲夫亡無子有藉營勢強娶者顧割面奔控叅將以免孝養太

金姑翁姑撫姪為嗣守節四十年  
陶氏十三都金之孀妻二十六歲夫亡撫孤守節至七十八歲歿

馮氏吳淞生員張弧妻二十四歲夫亡一女不育守節三十年

程氏江灣岳維則妻二十九歲夫亡無子家貧苦節四十餘年

施氏吳淞宗聖言妻二十三歲夫亡舅姑年老力作奉養及歿竭蹶營葬守節四十餘年

周氏江灣張芝妻二十二歲夫亡無子家貧力作以養衰翁守節四十餘年

顧氏八都黃召封妻二十九歲夫亡守節六十餘年

周氏彭越浦王鳴鳩妻嫁三載夫亡無子守節至



八十六歲知縣陸隴其獎曰節冠彭溪

張氏吳淞南門外生員金莖妻寄居嘉定二十九

歲夫亡撫姪為嗣復天養姑守節至八十三歲

朱氏秦元行妻十七歲夫亡家貧無子苦節至七

十一歲而歿

張氏大場殷又元妻二十歲夫亡終身不櫛沐依

兄涵以居兄亡紡績自給守節至七十三歲歿

知府陳鵬年獎曰鬢髻奇節

馮氏吳淞城劉允文妻二十七歲而寡守節四十

三年

黃氏趙家行莊金妻二十五歲夫亡撫一歲孤躬

耕操作守節至九十餘歲

蔭氏廣福須世珍妻二十四歲夫亡守節三十五

年

趙氏廣福須王臣妻二十一歲夫亡守節五十餘

年媳張氏割股療姑以孝稱

封氏四都雲號六畝錢焯如妻夫死於兵年二十

七守節四十五年知縣陸隴其獎曰苦節可風

許氏廣福須茹妻二十歲夫亡守節四十餘年知

縣陸隴其獎之

李氏為號二畝王元卿妻二十三歲夫死撫孤守

節割股療姑疾至七十歲歿



陳氏七都鍾叔和妻年十四嫁鍾生二子四女年二十五歲夫亡未幾二子俱夭苦節五十年而歿

車氏馮慶綬妻王氏綬弟續妻兄弟相繼死二氏俱無子守節

顧氏月浦胡世英妻二十四歲而寡無子守節至八十一歲而歿學院法海獎曰松筠節操

周氏發號王維清妻二十九歲夫亡守節現年七十七歲

趙氏雲號支正妻年二十四歲夫亡撫孤娶媳唐氏子復天與唐偕守節唐遺腹孤未生族人謂

男女未卜分其產及生子淇會鳴官斷還知縣

王樞獎給姑媳雙貞

張氏雲號二畝施允升妻二十七夫亡守節雍正十年死于潮災知縣胡仁濟給獎

李氏月浦陸君禧妻二十九歲夫亡子女復天守節至七十三歲

周氏稱號徐亮采繼妻三十歲夫亡無子守節事姑年終七十餘歲

徐節婦林貞女二人年代里居皆無考明高士王翹有詩紀之不忍沒其姓氏因存之詩見

藝文



以上詳嘉定志

金氏張概妻

顧阿妹陳林妻

沈氏顧隨妻

高氏狄阿先妻

袁氏周萬新妻

楊貞女許字王政新

瞿氏沈輔妻

陸氏茅瓊妻

歸氏楊鑑妻

倪氏蔣松妻

周氏潘京妻

孫氏沈誠妻

顏氏唐希曾妻

葛氏封栗妻

毛氏封邨妻

蕭氏朱稚恭妻

徐氏傅好文妻

陸氏王夢鸞妻

王氏張定安妻

張氏龔睿中妻

朱氏沈宏濟妻

沈氏王峻基妻

鄒氏陸禹定妻

徐氏周鼎鉉妻

周孝女

陸氏王應爵妻

金氏馮貞妻

王貞女許字侯世仍

陸氏沈光祚妻

以上詳嘉定趙志里居難攷備俟採核

趙氏唐宙妻

顧氏邱龍光妻

歸氏陳璣徵妻

陸氏沈文芝妻

談氏生負潘諧妻

沈氏蘓登明妻

吳氏沈茂妻

張氏印隆泉妻

李氏陳維翰妻

駱氏顧君穎妻



吳氏朱珣妻

顧氏張文妻

周氏俞可爵妻

李氏趙定珍妻

馬氏吳晝妻

黃氏孫公性妻

黃孝女黃萬年女

徐氏張邦瑞妻

許氏趙一鳳妻

沈氏陸怡溪妻

王氏副榜陳瑞徵妻

張氏蔡貞遇妻

陸氏金奎妻

沈氏吳振寰妻

萬氏張欽妻

樊氏朱月賓妻

張氏李元素妻

黃氏彭廷獻妻

王氏俞養吾妻

陶貞女許字王需言

以上詳嘉定開志

潘氏林必昌妻

馮氏劉光遠妻

許氏王道潤妻

劉氏顧乾如妻

以上詳壺儀錄

王氏沈一鵬妻

張氏吳茂卿妻

潘氏顧承祖妻

徐氏謝天來妻

金氏馮士誠妻

翁氏張又良妻

徐氏生員顧士誠妻

吳氏張兆禎妻

以上詳吳淞志

錢氏徐允迪妻

王氏陳義妻

朱氏沈廷祖妾

以上詳月浦志



周氏羅店金雲乘妻三十一歲夫亡現年七十九歲

王氏在城陳漢如妻二十八歲夫亡守節現年八十歲

朱氏羅店楊牧妻三十歲夫亡守節現年七十四歲

顧氏裳號陳月塘妻二十八歲夫亡現年六十一歲

周氏有號錢雄山妻二十九歲夫亡守節終年七十四歲

須氏重號盧崢山妻二十四歲夫亡守節現年五十四歲

楊氏胡巷橋曹允文妻二十四歲夫亡守節三十五年

許氏在城儒童王孚九妻二十二歲夫亡守節終年六十一歲

陳氏天號陸岐瑞妻二十六歲夫亡守節現年五十歲

李氏元號申藝芳妻二十九歲夫亡守節現年五十九歲

張氏雲號金元昇妻二十七歲夫亡守節終年七十九歲



劉氏崗號張經妻二十四歲夫亡守節終年七十  
五歲

曹氏發號孫雲從妻二十二歲夫亡撫遺腹子成  
立現年五十歲

支氏羅店顧元卿妻二十七歲夫亡守節三十九  
年

施氏羅店朱履謙妻明進士施鳳儀之妹二十九  
歲夫亡守節三十一年

沈氏天號劉同高妻二十七歲夫亡守節終年六  
十三歲

杜氏即劉同高媳劉立本妻二十七歲夫亡守節  
終年六十六歲

徐氏天號劉時習妻二十三歲夫亡守節終年五  
十六歲

封氏藏號劉嘉睿妻二十二歲夫亡守節終年五  
十八歲知縣馬 給獎

劉氏藏號沈其昌妻二十六歲夫亡守節現年六  
十歲

劉氏藏號陸亮卿妻十九歲夫亡子夭守節終年  
八十一歲

王氏藏號劉光志妻二十歲夫亡撫孤守節終年  
六十九歲



陳氏藏號劉涵妻二十六歲夫亡無子守節現年

五十七歲

劉氏洪號宗煦妻二十七歲夫亡無子守節現年

七十歲

劉氏洪號宗祥觀妻二十歲夫亡無子守節終年

六十三歲

趙氏羅店龐瀛選妻二十八歲夫亡守節現年六

十一歲

金氏衣號曹啓六妻二十二歲夫亡守節終年六

十二歲

支氏衣號曹禹玉妻與曹金氏妯娌二十一歲夫

亡守節現年五十一歲

施氏有號陸景銓妻成婚二年夫亡無子守節現

年五十二歲

楊氏在城曹道生妻二十九歲夫亡撫孤楚如娶

陳氏楚如死陳氏年十九歲姑媳苦志守節楊

終年七十陳終年七十四歲

黃氏洪號金方芝妻二十六歲夫亡撫八月遺孤

守節終年七十二歲

沈氏劍號侯世延妻二十四歲夫亡守節終年九

十四歲

趙氏元號申熹妻二十二歲夫亡無子守節現年



五十六歲

陶氏元號申玉衡妻二十七歲夫亡無子守節現年五十六歲

張氏劔號侯烈妻二十四歲夫亡守節現年六十四歲

湯氏羅店君祥女王維吉妻二十三歲夫亡守節終年八十六歲

朱氏吳淞張咸和妻二十五歲夫亡守節終年七十八歲

李氏胡家庄生負李芝榮之姊許字楊行鎮張宏謨未婚而謨死李年十九過門守貞懇姑勸翁

納妾因得生宏文以延宗祀現年四十五歲

孫氏楊行歲貢孫穉登之女許字崗號顧玉瓚未婚玉瓚亡孫年十九過門守貞翁納妾舉二子翁姑歿遺孤長亦亡孫又代撫其季現年四十六歲

黃氏騰號蔣天祿聘妻未婚天祿亡黃年二十過門守貞現年四十七歲

徐氏崗號屠周望妻二十九歲夫亡守節撫孤現年七十三歲

沈氏為號須日升妻二十歲夫亡守節事翁姑撫嗣子現年四十九歲



何氏尚號林廷有妻二十八歲夫亡守節三十七年

王氏露號李天錫妻二十六歲夫亡守節現年五十四歲

程氏發號吳大有妻二十九歲夫亡守節五十年

王氏號顏翰如妻二十五歲夫亡守節終年七十三歲

陸氏夜號符國鼎妻二十歲夫亡矢志苦節終年

六十歲

孟氏生號管文燦妻二十四歲夫亡矢志守節現年五十歲

陳氏江灣儒童周儒五妻二十三歲夫亡苦節四

十餘年

費氏尚號李恒栢妻十九歲夫亡守節終年五十

八歲

徐氏稱號楊允泰妻十九歲夫亡守節撫孤楊成

終年六十八歲

陸氏稱號楊天釐妻二十七歲夫亡守節終年七

十三歲

甘氏藏號王堯森妻十九歲夫亡守節終年四十

九歲

趙氏為號須三賓妻二十三歲夫亡守節終年五



十三歲

黃氏藏號須秉璠妻二十五歲夫亡守節終年六

十三歲

顧氏尚號宣浦妻二十四歲夫亡守節終年四十

九歲

陸氏黃號楊璉妻二十七歲夫亡守節現年五十

八歲

茅氏推號楊進思妻二十六歲夫亡守節現年五

十四歲

周氏巨號胡義妻二十二歲夫亡苦志守節母家

終年七十二歲

顧氏尚號陸賢儒妻二十歲夫亡守節四十四

年知縣胡仁濟給獎

嚴氏元號宋良甫妾良甫死氏年二十六歲守節

撫正室遺孤終年六十一歲

蘓氏有號嚴興仁妻二十六歲夫亡守節現年六

十一歲

金氏元號李乘鶴妻夫亡二十三歲守節撫嗣子

成立現年六十五歲

朱氏元號李士芳妻二十六歲夫亡守節終年七

十四歲

李氏殷號沈廷臣妻生員李煦之妹氏年二十一



歲而嫁三月夫亾因延嗣乏人姑病叔勞節守  
十年俟叔完娶病姑有托絕粒七日而死

吳氏洪號生員朱湜妻二十八歲夫亾守節三十  
一年布政使趙向奎匾獎

鮑氏稱號黃炳文繼妻二十七歲夫亾守節現年  
七十六歲

印氏崗號顧體乾妻生員印以桐之女二十六歲  
夫亾守節現年四十六歲

鄭氏崗號顧玉書妻善音鄭廷芝之女二十三歲  
夫亾守節現年四十二歲

狄氏稱號陳虞山妻十八歲夫亾守節撫遺腹孤  
成立終年七十一歲

錢氏元號陳服周妻二十八歲夫亾守節現年六  
十一歲

趙氏黃號李芳遠妻二十七歲夫亾守節終年六  
十二歲

嚴氏雨號張瀛洲妻二十四歲夫亾守節撫嗣至  
四十八歲嗣長不食而卒其嗣長令貽娶徐氏

二十八歲令亦亾徐亦守節撫孤終年六十四歲  
沈氏為號徐文桂妻二十歲夫亾守節終年六十

五歲嘉定知縣王樞給獎

劉氏藏號沈信侯妻二十九歲夫亾守節敬事年



邁翁姑終年九十一歲

陶氏洪號金文彥妻二十六歲夫亡守節四十六

年

毛氏稱號儒童葛時雍妻二十五歲夫亡守節現

年四十九歲

張氏夜號李正春妻二十九歲夫亡守節終年七

十四歲

盛氏露號儒童李畏三妻二十三歲夫亡撫遺腹

子守節現年四十五歲

凌氏餘號儒童黃悅民妻二十歲夫亡守節現年

五十四歲

宋氏楊行葛應麟妻二十八歲夫亡守節終年五

十四歲

朱氏殷號張維翰妻二十九歲夫亡守節終年六

十四歲

朱氏殷號李蘭士妻二十九歲夫亡守節現年七

十八歲

李氏暑號趙桓式妻二十九歲夫亡守節現年八

十一歲

沈氏元號趙瞻彤妻二十九歲夫亡守節現年八

十歲

屈氏殷號陸士璵妻二十八歲夫亡撫孤嘉祥守



節至七旬病危孤禱天以愈終年八十九歲

談氏闕號夏日來妻二十三歲而寡苦節撫嗣終

年七十四歲

宗氏黃號陸熙臣妻三十歲夫亾守節終年六十

二歲

錢氏暑號儒童趙見原妻二十二歲夫亾守節現

年五十四歲

栢氏洪號錢原妻二十四歲夫亾守節終年六十

八歲

張氏須繼先妻二十三歲夫亾守節終年五十六

歲

譚氏藏號顧燮妻二十八歲夫亾守節現年五十

八歲

朱氏羅店顧君顯妻二十八歲夫亾守節終年八

十八歲

顧氏字號沈德求妻二十八歲夫亾守節終年七

十二歲

孟氏芥號儒童金以承妻一十三歲夫亾守節現

年五十四歲

馬氏騰號范聖謙妻二十三歲夫亾苦節終年六

十九歲

顧氏騰號周濟懷妻二十五歲夫亾守節現年五



十五歲

陸氏洪號瞿壽妻二十八歲夫亾守節現年六十歲

金氏巨號貢生朱章妻二十七歲夫亾守節現年五十三歲

陳氏暑號嚴英賢妻二十五歲夫亾守節現年六十九歲

李氏暑號印長生妻二十七歲夫亾守節終年七十一歲

李氏嘉邑貢生李晝三之女許字問號諸生嚴麗文子序升為室十九歲序升亾過門守貞

年雍正十年潮災淹死

印氏暑號生員嚴子旭妻二十九歲夫亾守節終年八十三歲

高氏暑號嚴廷輝妻二十六歲夫亾守節終年六十九歲

嚴氏暑號朱幼敏妻二十九歲夫亾守節終年九十二歲

徐氏騰號曹子重妻二十九歲夫亾苦志守節現年七十二歲

薛氏雲號金元秀妻二十七歲夫亾守節三十六年李氏元秀之孫金日新妻二十七歲夫亾亦



矢志守節

吳氏殷號談武臣妻二十六歲夫亡矢志守節現年七十歲

孔氏殷號孔飛升之女邢世勳聘妻未婚世勳亡氏過門守貞

陳氏殷家行高文之妻十九歲嫁二十歲夫亡撫遺腹孤守節現年六十三歲

俞氏西關外趙華之妻華家貧病廢又值歲歉將氏別嫁圖收財禮以資生氏矢志節即行自盡時年二十七歲雍正十一年五月初二日事也

徐貞女八都徐載九女許字鍾紹源病亡女年十

以上節婦未詳請旌表

按巾幗中當患難之際舍生取義蹈死如歸有丈夫之所難者其天性所植誠獨厚也至于然一身熒熒無告柏舟自矢之死靡它奉舅姑扶門祚問定甫知一終不渝較舍生取義者又何



間於難易焉錄舊志所載列女分縣後得請於朝而表其宅里者若干有窮巷之中志潔行芳未邀綽楔之旌者備書又得若干讀趙志所云嘉邑風俗熾嗇無山川遊觀之美婦女多習女紅勤織作不以遊閒靡麗相矜殆所謂勞則善心生故節烈之行較勝他邑信然

寶山縣志卷之七

寶山縣志卷之八

選舉志

選舉之法漢唐宋以來並設制科明初先重薦辟後則專重科目明經次之獨嚴武科武舉三科者始就選進士則稍優焉我國朝文武並重武科同於文科又鴻詞名試貢生廷試通變三途薦舉例選雜進並舉勿遺人才稱盛寶雖褊小選舉內有若而人詳其姓氏作人之澤其在斯乎

進士 黃必大等共二十八人



宋 黃必大字昌卿居八都嘉定七年甲戌袁甫榜任

奉議郎府判

黃保大字和卿必大弟省元嘉定十三年庚辰劉

渭榜任太平府教授遷知縣

元

韓志云勝國時士不樂仕  
進終元之世邑無通籍者

明

陳 璞字汝玉居月浦東北陳家店宣德八年癸

丑曹鼐榜任太常博士歷監察御史終福建按

察使

范 純天順元年丁丑黎淳榜詳仕蹟傳

李 良成化五年己丑張昇榜仕見仕蹟傳

沈 鎔復姓龐字伯玉居大場成化八年壬辰吳

寬榜任刑部主事歷河南按察使僉事以清謹

稱

周 儀字希模居大場成化十一年乙未謝遷榜

仕麗水知縣

沈 焯宏治十五年壬戌康海榜仕見仕蹟傳

沈 灼正德三年戊辰呂柟榜見仕蹟傳

沈 陽嘉靖二十九年庚戌唐汝楫榜見仕蹟傳

沈 人種嘉靖三十八年己未丁士美榜仕德清知

縣歷吏部主事山西雲南按察使司廣東布政

使司光祿太常寺卿終右副都御史見仕蹟傳



殷 都萬歷十一年癸未朱國祚榜見仕蹟傳

嚴貞度居十一都嚴家角萬歷十一年癸未朱國

祚榜見仕蹟傳

須之彥萬歷二十六年戊戌趙秉忠榜見仕蹟傳

陳舜道萬歷三十五年丁未黃士俊榜見儒林傳

周之謨萬歷四十一年癸丑周延儒榜見儒林傳

顧其國字尊生居羅店吳縣籍天啓二年壬戌文

震孟榜仕江西永豐知縣調吉水擢廣東道監

察御史以諫節駟傳左遷行人司司正崇祀鄉

賢

申芝芳字素公居黃白涇申家樓崇 四年辛未

陳于泰榜仕萬安知縣歷兵部王事禮科給事

中督漕江浙

施鳳儀字孟翔居羅店後遷江灣崇正十年丁丑

劉同升榜仕武昌府推官廉潔不畏強禦歷兵

部職方司郎中後隨閣部史可法殉難揚州

黃淳耀崇正十六年癸未楊廷鑑榜見孝義傳世

居方泰遷嘉城今子孫住揚行

趙

侃字子直全甫子由貴州籍景泰壬午舉人甲申進士仕至通政司叅議

國朝

黃與堅順治十六年己亥徐元文榜仕詳薦舉

殷元裕復姓朱字護先居羅店常熟籍順治十八



年辛丑馬世俊榜仕蒲縣知縣

許自俊康熙九年庚戌蔡啓榜見儒林傳

李嘉猷字符功居真如宛平籍康熙十五年丙辰

彭定求榜

孫致彌康熙二十七年戊辰沈廷文榜見儒林傳

胡宏復姓董字育萬居廠頭青浦籍康熙五十

一年壬辰王世琛榜入詞林辛丑會試同考會

元儲大文出其房遷太僕寺卿

劉幹雍正二年甲辰陳德華榜見儒林傳

按宋初沿隋唐舊制設進士科秋取解冬集禮

部春考試合式及第者列名放榜於尚書省元

分為兩榜明洪武四年開科會試天下舉人旋

詔停止至十八年乙丑復行會試自後三歲一

舉行定以辰戌丑未年

國朝正科因明舊制於順治三年丙戌始四年丁亥十

六年己亥康熙五十二年癸巳雍正元年癸卯

乾隆二年丁巳並

特恩開科編寶山之與是科者人才輩出有仰止之思

焉

舉人 金文徵等共六十九人

明 金文徵洪武三年庚戌見儒林

周士行字宗善居大場宣德元年丙午仕趙城縣



教諭

陳璞宣德七年壬子詳進士

范純景泰七年丙子詳進士

沈鏊復姓龐 作塗誤天順六年壬子詳進士

李良成化四年戊子詳進士

周儀成化四年戊子詳進士

談容字德大居彭越浦成化十三年丁酉

李直字舜臣良之弟成化十三年丁酉負志豪

舉不飭廉隅淡于勢利中歲得售初上春官不

第遂不仕

沈昭宏治十一年戊午詳進士

沈鰲字文元居八都宏治十一年戊午仕開州

州判

沈灼宏治十四年辛酉詳進士

侯山字仁甫居大場貴州普定衛籍正德五年

庚午仕大足縣教諭

侯泰字安甫居真如正德八年癸酉仕海寧縣

教諭歷太原登封知縣終兗州府通判

甘元雋正德十一年丙子見儒林

郭山嘉靖四年乙酉見孝義

沈煉字成甫居大場嘉靖七年戊子仕沂水西

充等知縣



李重嘉靖十三年甲午見儒林

沈積字厚卿炤灼從子嘉靖二十二年癸卯

沈陽嘉靖二十五年丙午詳進士

金大有嘉靖三十七年戊午詳儒林

沈人种嘉靖三十七年戊午詳進士

沈士嘉字時靖人种從兄嘉靖四十年辛酉仕孟

縣教諭

陳其詩嘉靖四十三年甲子見儒林

錢春沂嘉靖四十三年甲子見仕蹟

嚴珮環更名貞度萬歷十三年壬午詳進士

金兆登萬歷十三年壬午見儒林

陳舜道萬歷二十二年甲午詳進士

須之彥萬歷二十二年甲午詳進士

沈紹僖居八都上海籍萬歷二十五年丁酉見仕

蹟

唐景亮萬歷三十一年癸卯見儒林

傅冲之字孝元遜之孫居八都萬歷三十一年癸

卯仕休寧縣教諭歷南京國子監學正均州深

州知州

丁文煒字無采一字涵宇居真如萬歷三十一年

癸卯仕樂昌知縣

周之謨萬歷三十四年丙午進士



朱貞一字元伯居羅店徙嘉定萬歷三十四年丙

午仕宿遷縣教諭國子監學正淮安府知府

孫元化萬歷四十年壬子見仕蹟

顧其國萬歷四十三年乙卯詳進士

申芝芳天啓七年丁卯詳進士

戴光裕字孝冲居馬駝堰遷嘉城天啓七年丁卯

仕閩縣教諭歷翰林院孔目兵部司務刑部員

外郎終岳州知府

施鳳儀崇正三年庚午詳進士

許自俊崇正六年癸酉詳進士

傅凝之崇正六年癸酉見孝義傳

胡靖元字慎貞居楊行後遷嘉城崇正九年丙字

黃淳耀崇正十五年壬午詳進士

蘓淵崇正十五年壬午見儒林傳

趙邦本字二懷萬歷丙子

趙景芳崇正庚子

國朝

李嘉猷順治十四年丁酉詳進士

黃與堅順治十四年丁酉詳進士

殷元裕順治十七年庚子詳進士

朱文龍字方賡元裕子康熙十四年乙卯仕內閣

中書南陽知府

孫致彌康熙十七年戊午詳進士



董德其康熙十七年戊午詳流寓傳

於景熹字紫來居真如康熙三十二年癸酉選鄆

城知縣未任

劉元燦字暉吉居湄浦康熙五十年辛卯

胡宏康熙五十年辛卯詳進士

劉植更名幹康熙五十二年癸巳詳進士

尹聘康熙五十六年丁酉詳孝義

張揆方字道營雲章子世居橫港後徙嘉城康熙

五十六年丁酉

張紳字岳嵩本姓申芝芳從孫康熙五十九年

庚子

王卓本姓沈字頴發居十一都沈港康熙五十

九年庚子

李錫秦雍正二年甲辰詳薦舉

侯瑞隆字符五居真如雍正四年丙午

李素字天祐居月浦雍正十年壬子

王世樞字斗初居嘉定南翔寶山籍雍正十三年

乙卯仕崑山縣教諭

時鈞班字定遠嘉定人寶山籍乾隆元年丙辰

秦倬字天采嘉定人寶山籍乾隆元年丙辰

進士

陳耀字照宇嘉定人寶山籍乾隆元年丙辰

趙禧字茲履康熙乙卯



金惠居月浦

鍾文標居大場俱乾隆十二年丁卯

按宋元解額稱鄉貢明始稱舉人洪武三年庚

戌開科鄉試旋詔停止至十七年甲子復行鄉

試自後定以子午卯酉年舉行

國朝正科因明舊制於順治二年乙酉始三年丙戌十

六年己亥康熙五十二年癸巳雍正元年癸卯

乾隆元年丙辰並

特恩開科茲編列中式姓氏并記設科顛末庶使後之

覽者得有所考焉

貢生

劉士敏居劉行永樂十二年歲貢仕公安知縣

蘇海字伯川居月浦正統七年歲貢仕錦衣衛經

歷

沈汝器正統十一年選貢府檢校

胡德謙字道亨一字克讓居大場正統十一年選

貢

沈能景泰二年歲貢仕壽寧縣知縣

李鎬字介庵居江灣成化十三年歲貢仕邳州

知州

侯爵字良貴泰之父居真如後遷嘉城邃於易

學成化二十一年歲貢

駱樞字應辰居大場宏治六年歲貢仕廬陵縣



訓導

金澄字明之居大場宏治十年歲貢仕天台縣訓導

湯珍嘉靖十年歲貢見儒林傳

沈佩字惟顯嘉靖十八年歲貢仕澧州訓導

李士龍嘉靖二十年歲貢見儒林傳

沈黃中字通理嘉靖二十一年歲貢仕遂安縣訓導

潘士英嘉靖三十七年歲貢見孝義傳

沈泮字伯英本姓卜八都徙南翔嘉靖三十九年歲貢江西南城縣學訓導遷武義教諭

蘓九成字子韶居月浦嘉靖四十五年歲貢嘉興

訓導鉅野教諭終嚴州府教授

沈炬字恩甫煉之弟隆慶元年歲貢仕固始縣

訓導光山縣教諭

徐大觀字子顥居大場徐家巷徙嘉定萬歷元年歲貢仕巢縣訓導考城縣教諭

傅遜萬歷三年歲貢見儒林傳

劉鋒字子畏居劉行萬歷十三年歲貢仕丹陽

縣訓導

徐嘉言字汝默大觀子萬歷二十年選貢仕永福

縣知縣



沈允孚字冲霄泮之子萬歷二十年選貢上海籍  
仕樂會縣知縣

丁文煒萬歷二十三年選貢詳舉人

徐端履字孟祥居徐家巷萬歷二十三年歲貢

沈紹伊字伯咸陽之子萬歷二十五年歲貢仕崇

義縣訓導

傅繼隆字仲吉居八都萬歷二十七年歲貢仕應

天府訓導句容縣教諭

姚 棫字敬夫居真如萬歷二十八年歲貢

朱一陽萬歷三十年恩貢

吳允立字存吾居吳家行萬歷四十年歲貢仕松

江府訓導宜都縣教諭

婁 堅萬歷四十四年歲貢見儒林傳

侯紹烈字述之泰之孫萬歷四十八年歲貢仕雲

夢知縣

戴光裕天啓元年選貢詳舉人

沈名時字君顯居八都天啓六年歲貢仕新城縣

訓導慶元縣教諭

黃仲訥字行先居八都天啓七年丁卯副榜准貢

仕太平府訓導

尤喻義字宜生居羅店崇正元年恩貢

毛一楨字爾嘉崇正六年選貢武進縣訓導



唐 培崇正六年癸酉副榜准貢見孝義傳

唐繼隆本姓邱字啓奕居月浦沙崗崇正八年歲

貢仕靖江縣訓導清河縣教諭

張師載字宗銘居羅店崇正十年歲貢仕上海縣

訓導

申 艇字師舟崇正十二年己卯副榜准貢見隱

逸傳

國朝

瞿百祚字公錫居八都順治二年歲貢

沈元忠字願良大場人順治三年歲貢仕繁昌縣

訓導束鹿知縣東城兵馬司指揮

施于政字東尹居羅店順治四年歲貢仕天長縣

訓導

項思尹字莘友居八都順治戊子年副榜仕衮州

府洺河通判以清節自持歸家授徒不干長吏

蘓 樗字內文淵從子居楊行康熙十一年歲貢

周德洪字天來居大場康熙十一年選貢

施麟瑞字玉符居羅店康熙十五年恩貢仕高淳

縣訓導宜興縣教諭在高淳年久實心訓士士

民愛戴立有學山專祠乾隆八年知縣童國松



據衿士公呈追核芳規准補入縣志

唐 頌字德倩居真如遷嘉城康熙十五年歲貢

沈子暹字公度居八都康熙十九年歲貢任石埭

縣訓導

申毓來荃芳長子世居黃白涇康熙二十三年歲

貢見仕蹟傳

金 恕字中文居七都康熙三十一年歲貢崇明

縣籍選東流縣訓導未任

姚 斌字又文居真如康熙四十三年歲貢

顧如須本姓張字與上居楊行康熙四十五年歲貢

金時學字德階潢之子居七都康熙四十七年戊

子副榜准貢仕義徵縣教諭

劉元燦康熙四十七年歲貢詳舉人

張 銓本姓李字尹若居羅店康熙四十九年歲

貢

董德華字滋邁康熙五十九年歲貢見從兄德其

沈寓傳

孫之謀字駿聲崑山遷居楊行康熙六十一年恩

貢

施 燧居江灣雍正元年癸卯副榜准貢見儒林

傳

王世樞雍正六年選貢詳舉人



金潮潢從弟雍正七年歲貢見儒林傳

奚象時字岩士居胡家庄松江府學雍正九年恩

貢

張宏緒雍正十年壬午順天副榜准貢詳薦舉

孫懋登字民書元化裔孫居楊行雍正十一年歲

貢

湯咸一字希尹嘉定人寶山籍雍正十三年乙卯

副榜准貢

張涵字思祖居楊行雍正十三年乙卯副榜准

貢

嚴勤字宣令嘉定人寶山籍乾隆元年歲貢

徐顯字遇隆居楊行乾隆五年歲貢

陸芳槐字挺三居高橋金山衛籍乾隆九年甲子

副榜准貢

瞿壽字智仙居高橋上海籍順治戊子年選貢仕岑溪縣知縣

按唐宋明經之科與進士並重明洪武十六年

令天下府州縣學歲貢生員一人至二十五年

令府學一年貢二人州學二年貢三人縣學二

年貢一人正統六年令府學一年貢一人州縣

如故遂為歲貢定例永樂四年纂修大典選取

楷書生員准貢宣德八年令生員年四十五以

上考選送監正統十一年又例取年四十以上



生員入監宏治十七年考取生員充貢至崇正  
年間令每學選拔一人俱稱選貢宏治以後遇  
覃恩每學例選一人謂之恩貢天啓元年鄉試  
中式副榜准作貢生

國朝恩選歲副並因明制遇 覃恩例以歲貢首名充  
恩貢次名作歲貢選貢康熙年間例以十二年  
一考選雍正五年改六年一考選乾隆七年仍  
定十二年一考選竊論貢之人才如明之夏原  
吉楊士奇皆一代偉人也而出於貢貢何必不  
如甲科哉在人之自勵何如耳

薦舉 附議叙

張宏緒字思序居楊行雍正十年壬午順天副榜  
保舉簡發福建授鹽場大使歷署沙縣仙遊浦  
城崇安等縣永春知州現任長泰知縣

侯傳山字硯峯居真如監生八旗志館纂修議敘  
任湖南豫州州判

劉簡字敬夫幹之子生員一統志館纂修議敘  
任寧國府南陵縣丞

黃義成字天申居八都生員一統志館纂修議敘  
任湖北黃州府經歷

按明洪武年間詔舉才德之士正統後始罷薦  
舉端用科目崇正間命京官保舉諸生並得與



薦

國朝康熙十七年詔開博學鴻詞科於十八年舉行雍正元年詔舉孝廉方正四年命各省學臣任滿薦舉生員人品端方有猷有為有守之士五年命直省州縣會同教官各學舉貢生生員一人六年命京官大學士以下主事以上外官督撫以下知縣以上各許保舉一人雍正十二年詔開博學鴻詞科乾隆元年舉行乾隆元年命舉孝廉方正朝廷慎簡人才與斯選者何異鵬飛鷲薦寶處海濱喜不乏編載之人耳

例選

張宏緒字思序居楊行雍正十年壬午順天副榜

保舉簡發福建授鹽場大使歷署沙縣仙遊浦

城崇安等縣永春知州現任長泰知縣

侯傳山字硯峯居真如監生八旗志館纂修議敘

任湖南豫州州判

劉簡字敬夫幹之子生員一統志館纂修議敘

任寧國府南陵縣丞

黃義成字天申居八都生員一統志館纂修議敘

任湖北黃州府經歷

按明洪武年間詔舉才德之士正統後始罷薦舉崇用科目崇正間命京官保舉諸生並得與



薦

國朝康熙十七年詔開博學鴻詞科於十八年舉行雍正元年詔舉孝廉方正四年命各省學臣任滿薦舉生員人品端方有猷有為有守之士五年命直省州縣會同教官各學舉貢生生員一人六年命京官大學士以下主事以上外官督撫以下知縣以上各許保舉一人雍正十二年詔開博學鴻詞科乾隆元年舉行乾隆元年命舉孝廉方正朝廷慎簡人才與斯選者何異鵬飛鷲薦寶處海濱喜不乏編載之人耳

例選

明 李 憲字大章良子成化間上林苑署丞

殷 甫字周卿清子正德間誥敕中書摘撫州府

檢校改山東按察司經歷

沈 耀字文炳焯弟 雲南金齒衛經歷

周 臣字子忠 居大場 陸涼州同知

劉 琬字廷肅 居劉行 浙江都司經歷遷遼

東都司經歷

沈 鯤字文運 弟 象山縣主簿

李 亨字嘉甫 孫 良之 湖廣興寧縣主簿

蘓 瓏字文玉 居月 葉縣縣丞民間養

官馬積弊盡殲山洞羣盜人尤懷之



莊 俸字應爵 居月浦

南豐縣主簿

毛 山字仁卿 居七都

定海縣丞

莊 僑字應遷 居月浦

嘉靖間肇慶府照磨

莊 璿字壽玉 居月浦

養利州判終白水縣

知縣

邱 桴 本姓趙字君實居黃白涇

西平縣丞

蘓九疇 龍之子

南城縣主簿

張師黠字少溪 居嚴家角

江西德化縣主簿

殷貳卿 字仲宏甫之弟

長沙縣丞廉潔自勵

嘗三督餉每歲省民耗米凡六百石遷常德府

經歷未赴

沈 直 本姓卜字從墨世居八都

蕭山縣主簿

朱夢說字明巖 居八都

吉水縣主簿

沈紹仲字廷誥陽之子隆慶間歷光祿寺監事貴

州按察司知事終應天府經歷

須大進字德甫 之彥從子萬歷間文華殿中書舍人歷

光祿寺寺丞

陳秉忠字如雲 居八都

鴻臚寺序班

陳所學字敏卿 其詩子

開平衛經歷

陳效忠

長沙府經歷

沈昌復字汝臨 兆之子

福州府檢校鴻臚寺

序班終陽曲縣主簿



瞿允元字長卿居八都

上林苑典簿

馮永字伯簡之彥從孫居廣福

浙江山陰縣丞杭州

前衛經歷

沈宏顯字微之

江西新昌縣典史

劉憲祖字瑞章

居劉家行

崇正間彭澤縣丞遷袁州衛

經歷未赴

李允新字元映居真如

武英殿中書舍人

國朝

康熙

倪士鈐字若三居真如歸安縣丞遷昌化知縣

朱維楨字皇士居月浦暨青陽安東縣訓導

瞿有恒字聖基居八都池州府訓導遂和州學正

王三接字晉侯世居羅店徙郡城徐州鳳陽二府

訓導

范鵬翔字程九居羅店蕪湖縣訓導

范秉龍字御六鵬翔弟常州府訓導

金銓本姓朱字大宇居殷家行江寧府訓導

按明成化二十一年始開捐例正德三年嘉靖

十六年三十一年三十二年四十二年萬歷三

十年以至崇正年間屢有開捐稱為例選祇任



雜職

國朝例選捐納例由監生貢生援例捐選官職得正雜  
 並用由生員捐貢者得捐選訓導雍正元年詔  
 停捐選訓導例乾隆二年詔停捐選官職惟生  
 俊得捐監貢鄉試七年捐選佐雜又考選例康  
 熙年間吏部考選捐納貢監分授州同州判縣  
 丞主簿吏目職銜揆選併依銜捐選雍正五年  
 命考職人員中挑選引 見發往直省試用  
 六年詔廣取人材令直省督撫於考職人員內  
 保舉送部引 見發往直省試用乾隆元年定  
 例恩拔歲副貢生一體考選恩拔副考選州同

州判縣丞歲貢考選主簿吏目二年定例捐納  
 貢監照歲貢考選主簿吏目竊謂例選考選乃  
 立賢無方廣予進身之階其考功晉爵亦同甲  
 乙賢科之崢嶸於世也人曷可不知所以自勉  
 耶

雜進

宋 趙安國居東練祁至和間戶部儀曹司  
 趙良弼安國子 揚州司理

明 沈 鎮字孟安居大場永樂間松滋縣丞

李 育字 居大場天順間白沙遞運所大使

沈 珍字廷貴居大場 廣西軍門掾史以



平蠻功授鴻臚寺署丞

殷 維字仲芳居七都宏治間承事郎

孟 昱字廷輝居大場 甌寧縣典史

司 寧字以安居大場 下沙場副使

金 昱字文育居大場正德間湖廣海康衛千戶

所吏目

周 芳字文美居大場 湖廣東安縣典史

司有章 名憲以字行寧之子 曹縣縣丞

陳 勳字公顯居大場 溫州倉大使

殷 清字德秀維之子 鳳陽都司知印留

守中衛神策門千戶所吏目終上林苑錄事

殷邦慶字可貞甫之子 南京鴻臚寺序班

龔中佩居八都初為崑山猛廟道士嘉靖間以陶

真人薦授太常博士累遷少卿中官譖中佩飲

酒下錦衣衛杖死

殷 坤字虛卿甫之弟嘉靖間珉府良醫

黃世能見仕蹟傳

孫耀祖字 居吳淞萬歷間由驛丞遷嶺南巡

檢

周文誌 本姓唐字子述居大場

歷臺場副使進賢

巡檢崇府典簿

宗正傳字紹夫 居宗家墳

南平縣丞遷北京



興州後屯衛經歷署南平縣事有清操

沈宏微居八都 寧遠衛經歷

國朝

順治

朱應選字士方居羅店鴻臚寺序班

沈仕太平府訓導見孝義傳

朱琦字廷琦居羅店杭州批驗所大使性抗直

為里豪所斃子漸儀矢志報讐見孝義傳

顧廷璧吳淞人以從征功授沂州州判

龔元治字淳初居劉行福建漳浦縣典史遷山東

蕭溝巡檢

康熙

王寧世字期生居吳淞以從征功授陝西寧羌州

管河同知

陸嘉賓字孔昭居大場遼陽籍以從征功授長寧

知縣

金彰字亦九居楊行河工効力授故城縣丞

雍正

翁鈺字子建居吳淞纂脩館供事江西清江巡

檢現任樟樹巡檢



乾隆

朱楷字端如居羅店內閣供事現任雲南炎方

驛丞

按宋科目薦舉外錄用雜進元明

國朝因之由吏員出身及以藝術進用併効力議敘諸途皆曾授職以畢力於國家故得備載焉

武進士

明徐正字仁齋朝陽子世襲吳淞百戶嘉靖四十

一年壬戌以征倭功進正千戶任寧紹叅將

黎平總兵

錢世楨萬歷十七年己丑見仕蹟傳

馮之琦字崑璧吳淞百戶萬歷二十九年辛丑仕

至南贛叅將

張一朋居吳淞萬歷三十五年丁未

謝登庸字獻之居吳淞萬歷四十四年丙辰歷山

東鐵崖叅將陞甘肅鎮番總兵

徐如彬字景仁正之子天啓二年壬戌福建坐營

守備

須之奇天啓二年壬戌見仕蹟傳



馮璇字蘭室居吳淞崇正元年戊辰鎮江遊擊  
高秉鉞居吳淞崇正十三年庚戌

國朝

徐憲文字觀光居吳淞康熙三十六年丁丑仕鑾  
儀衛亭座使轉駕庫司

按明嘉靖元年命武舉會試照文科例辰戌丑  
未年舉行崇正四年命廷試

國朝武進士同文科順治十二年定例選侍衛虎賁之

士見於周官武成立廟起於唐人文武雖二途  
顯榮實一也懷韜鈴之畧者曷可不深自奮勵  
哉

武舉人

明許英字敏臣廩生襲百戶嘉定十年辛卯解元  
又中甲午科

徐朝陽字竹溪吳淞百戶嘉靖十六年丁酉解元  
徐正科分失考詳進士

屈應龍居吳淞嘉靖三十七年戊午又中隆慶庚



午萬歷已卯二科

曹雲龍居吳淞嘉靖四十三年甲子又中隆慶丁

卯庚午二科

曹雲鶚居吳淞萬歷七年已卯又中甲午丁酉二

科

錢世楨萬歷十年壬午又中乙酉戊子二科見仕

蹟傳

馮之琦科分失考詳進士

曹雲鷺居吳淞萬歷十六年戊子又中癸卯科

俞來鳳居吳淞萬歷十六年戊子

徐源吳淞總旗萬歷十九年辛卯解元

馮朝楨居吳淞萬歷十九年辛卯又中丁酉科

鍾聲遠居吳淞萬歷二十二年甲午又中庚子癸

卯二科

高科居吳淞萬歷二十五年丁酉又中壬子科

張一朋科分失考詳進士

徐如梅字先春吳淞百戶萬歷三十一年癸卯又

中已酉壬子二科仕至南贛叅將

車任重居吳淞萬歷三十一年癸卯

車輔居吳淞萬歷三十一年癸卯

徐如梓居吳淞萬歷三十七年已酉又中壬子科

曹汝瑚字夏光居土寨西曹家宅萬歷四十年壬



子又中二科失考

馮子珍居吳淞萬歷四十年壬子

熊梅居吳淞萬歷四十年壬子

馮嘉猷居吳淞萬歷四十年壬子又中乙卯及天

啓甲子二科仕至劉河守備

張德威居吳淞萬歷四十三年乙卯

張國威居吳淞萬歷四十三年乙卯

馮璇萬歷四十三年乙卯詳進士

徐如彬科分失考詳進士

阮啓文居八都科失考

徐景仁居吳淞天啓元年辛酉

馮際盛居吳淞大啓元年辛酉

施英居吳淞天啓元年辛酉仕至龍江關坐營

遊擊

須之奇天啓元年辛酉詳進士

許自昌居吳淞天啓四年甲子又中丁卯崇正癸

酉二科仕宜興守備

高秉銓吳淞百戶天啓四年甲子又中丁卯崇正

庚午二科仕池河守禦

馮應魁居吳淞天啓四年甲子鎮江遊奕營把總

嚴大威居吳淞天啓四年甲子

趙景方居吳淞崇正三年庚午



馮珮居吳淞崇正三年庚午

馮學超字爾升居吳淞崇正三年庚午

馮嗣徽字晉儒居吳淞崇正九年丙子

錢燦如世楨子崇正九年丙子

高秉鉞科分失考詳進士

馮珙居吳淞崇正十二年己卯南京後營守備

馮生鈇字世聲居吳淞崇正十二年己卯

張仁傑居吳淞崇正十二年己卯南京十營副將

沈承祐字祥之居八都崇正十二年己卯副榜巡

按饒題准會試

莊允濟居吳淞崇正十五年壬午

張雲鵬居吳淞科分失考將材中式撫標團營守

備

王承志居吳淞科分失考將材中式儀徵守備

國朝

施鳳翔順治三年丙戌

張彪本姓朱字掄先居殷家行順治十七年庚

子

龐澍字霖士居羅店康熙五年丙午

陸諤字一士居月浦康熙八年己酉

盛王佐字聖昭居江灣康熙八年己酉



徐宏業居吳淞康熙十一年壬子

張雲錦字霞臣居江灣康熙十四年乙卯

范周鼎字鉉吉居吳淞北七都康熙十四

年乙卯

金輅字蜚黎居江灣上海籍康熙十七年戊午

金潢居七都康熙二十年辛酉見孝義傳

許瑤字初若自俊從子居吳淞康熙二十六年

丁卯

王阜貞字以寧居大場康熙二十六年丁卯

黃桓如本姓張字天懷吳淞人浙江嘉興籍康熙

二十九年庚午

徐憲文康熙三十五年丙子詳進士

程簡本姓孫字亦可居楊行康熙四十一年壬

午蘓州撫標千總遷山東撫標中營守備陞遊

擊加叅將銜

許祥本姓謝居吳淞康熙五十二年癸巳崇明

鎮標中營把總

按宋因唐制設武舉隆興間詔武舉授官仿進

士甲科恩例明武舉照文科以子午郊酉年舉

行鄉試三科中式始得受職

國朝同文科定制命題以論語孟子冠司馬法孫吳之



前軍旅學而經義通武備文事兼而有之獲捷鄉闈即與會試鷹揚漸陟蠖伏無嗟生逢盛世不厚幸歟

武秩

宋寧宗朝

朱存仁字德甫居十一都仕至桂林宣撫使

度宗朝

姚舜元字景瑞副將見孝義傳

沈雷奮居大場父霍邱尉名龍躍始遷嘉定雷奮以漕運功授武畧將軍

元 沈文輝字梅溪龍躍次子至順間以漕運功授忠翊校尉金符千戶樂善好施卒年八十二有東陽義塾記見藝文延祐六年部使者鄧公文原責蕪郡守修理學宮遂承聘督工併捐助鈔米落成詳其事於尊經閣記今子孫現居大場

明嘉靖

徐如林正之子以父勳倭餘功進秩太倉衛指揮莊重吳淞副千戶以海運功仕至浙江都指揮



陶 溟吳淞百戶任石匣遊擊

莊以涖字民敬重之子吳淞副千戶任至浙江右

營遊擊

萬歷

沈吉甫字叔裕神機營把總

莊夢龍以涖子龍百戶以從征功歷官薊永叅將

馮際隆之琦子由百戶仕至蕪采營遊擊

天啓

沈率祖字行叔紹伊子署南京備倭營守備

國朝順治二年城下時赴水死

崇正

王承忠吳淞千戶仕至川沙營遊擊

許効仁吳淞百戶授寶山守備

蘓大德字孟容直隸屯田守備

趙全甫灑子以軍功世襲千戶

國朝

順治

許廷亮居吳淞嘉定城守總練寶山守備

許立勳居吳淞靖江守備嘗奉使魚皮國

馮國銓字秉衡居吳淞靖南旗鼓守備



王彪本姓尤字震之居吳淞水師提督中營守備十四年七月初三日遇賊戰死

黃仕賢居吳淞松江右營把總以勦湖盜錢大戰死於泖

徐元吉字徵甫以將材歷任至台州海門遊擊舟師過定海被賊擒殺

徐元亨字通甫吳淞把總署寶山守備

王治世崇明鎮標中營千總

王安世居吳淞以從征福建功加左都督銜署督標後營守備

康熙

徐駿業崇明提標左營千總

龔奇吳淞營千總

顧大德本諸生以從征功授吳淞千總嘉定城守

吳勝本姓呂以從征福建功授雲南曲靖中營

遊擊

黃登雲以從征福建功授廣東天柱守備

車永祚見孝義傳

潘長壽居吳淞沂州遊擊

吳郡本姓張由福建籍歷浙江定海總兵署江

南提督陞浙江提督

牛宮蘓州右營千總京營守備



金 式吳淞營千總署守備  
袁文魁崇明籍歷直隸真定協鎮

雍正

吳國彥字定時吳淞營千總嘉定城守補藍翎侍  
衛授江西南湖守備陞廣東左翼鎮右營遊擊  
現任新會營叅將

王 銑字士懷吳淞營把總復投浙省効力補海  
塘營把總陞千總海塘左營守備留京巡捕營  
內管理楊春苑地方事

乾隆

章士英本姓周川沙營千總鹽城守備

車 玉安慶營千總署瓜州營守備

徐周易川沙營千總署徽州營守備江西羊角營

都司

按宋武秩功敘薦舉併文階改授元因之明功  
襲將材行伍

國朝功敘將材行伍用茲編武秩又見寶山武科目之  
外尚有勇畧之人耳

封廕



宋至和

趙伸 以子安國贈中散大夫

明正統

陳朴 以子述封監察御史

天順

范彝 以子純封兵部主事

成化

李綱 以子良封刑部主事

龐鎬 以子鎰封刑部主事

正德

沈棠 字時政以子灼贈浙江道監察御史

嘉靖

劉椿 以子琬贈浙江都司經歷

沈龍 字文潛鰲弟以子陽贈監察御史

徐朝陽 以子正封鎮國將軍

隆慶

沈球 以子人種贈浙江按察司副使

萬歷

嚴鎰 字子重以子貞度贈文林郎浙江東陽知縣

殷輅 以子都贈奉直大夫湖廣彝陵知州

沈陶 字唐卿以子紹仲贈脩職佐郎光祿寺監事



須 諤 字惟厚以子之彥封文林郎浦江知縣贈尚寶司少郎

陳希登 刑部郎中以子舜道贈

馮 鍊 以孫之琦累贈奉國將軍

馮 寵 以子之琦累贈奉國將軍

須 治 字少潛以子大進犒師代州特恩贈光祿寺寺丞

天啟

周 鯤 字吾玉以子之謨贈兵部員外郎

沈 俊 字碩卿生員陽之弟以子紹僖四年賜贈登仕佐郎吏部司務五年加贈奉直大夫兵部武庫司員外郎

孫 繼 統 字續之生員以子元化初封兵部司務再封職方司主事三封武選司員外郎

傅從古 字伯雅以子冲之賜贈登仕郎南京國子監學正

崇正

唐 拱 字安國以子景亮贈兵部員外郎

申尚文 字君美以子芝芳封文林郎萬安縣知縣

施三益 字友之以子鳳儀封武昌府推官

戴文淵 以子光裕贈刑部員外郎

謝廷軾 以子登庸封昭武將軍

馮 電 以子璇封忠顯校尉

國朝

康熙

沈堯臣 字際唐生員以子元忠贈文林郎東鹿縣知縣



許大達

字韞玉生員以子自俊贈  
文林郎聞喜知縣

孫和斗

字九野生員元化仲子以子致彌  
贈翰林院庶吉士

徐德業

以子憲文封  
武畧將軍

范光宏

字公亮以子乘龍封登仕  
佐郎常州府訓導

施于德

字孟達以子麟瑞封登仕佐郎高淳縣訓導  
生平孝友監察御史陸隴其作墓誌銘

朱元裕

字護先進士以子文龍  
贈內閣中書舍人

車中俊

以子永祚贈  
武德將軍

雍正

程煥式

字武彛生員以孫簡贈  
山東撫標中營遊擊

程湘

字文湘生員以子簡贈  
遊擊

朱子尚

字義先以子金鈗馳贈登仕佐郎  
江寧府訓導

瞿元芳

字鄰芷本姓凌以孫凌存淳捐  
贈儒林郎又見鄉飲賓

乾隆

李實

字玉如廩生以子錫秦贈中憲大夫  
廣西太平府知府

印世臣

字上下以孫光任馳贈文林郎  
廣東廣州府東莞知縣

印輯瑞

字壽存考授府佐以本生子光任馳贈  
文林郎廣東肇慶府高要知縣

印以棟

字德存以嗣子光任贈文林郎  
高要知縣

金潢

字來宗舉人以子時學馳贈脩職郎  
揚州府儀徵縣教諭

汪易

字叔文以孫疇馳贈文林郎  
陝西漢中府鳳縣知縣

汪廉

字循逸以子疇贈文林郎  
鳳縣知縣

王政惠

以子世樞馳贈修職郎  
蘄州府崑山縣教諭

吳登雲

字扶九以子國彥藍翎侍衛誥  
封奉政大夫加明威將軍



張 赴 字侯城以子 緒勉贈修職郎

車振祖 以子玉封昭信校尉

王如曾 字念劬以子王銑封 奮烈校尉

按朝廷設封廕之典欲使天下之為父祖者皆思教其子孫為子孫者皆思不辱其父祖育人才厚風俗之道也茲寶山分縣編輯封廕雖廕襲未見而封贈已得人焉觀其榮寵亦可以興起矣

附 恩榮老人

乾隆元年

恩詔八十以上老人給八品頂帶榮身

范雲翔 字占五附監生年八十一歲住羅店

李晤登 字宗侯生員年八十一歲住月浦

顧雲翔 年八十一歲住楊行

錢子受 年八十一歲住羅店

顧益久 年九十一歲住露號

周永吉 年八十一歲住唐家橋

朱文譽 年八十三歲住葛巷橋

王禹美 年八十一歲住江灣



陸子馨 年八十二歲住江東

燕公寧 年八十一歲住江東

張謙徵 年八十二歲住城內

陳維周 年八十三歲住埧石橋

鄉飲賓

明

徐貞魯 字至訥居稱號

徐燎 字震庵廩生居稱號

周之玫

國朝

康熙年間

錢師達

師達子 尚節之子錢順字承施牛平孝義克承家訓

胡思信 居騰號四十一崙年九十八歲

周章 生員居大場

沈范光 仕詳孝義

雍正年間

凌元芳 字隣芷居江東即翟元芳復本姓以孫凌存淳棟發廣東試用捐封儒林郎入

封廕

乾隆年間

鍾世英 居高橋

沈斗元 生員居高橋鎮



張杖吉 監生居八都三十五畝

鍾世芳 耆賓居高橋

義耆

明 毛添安 居七都正統間出穀二千石賑飢奉獎建義民坊

國朝

鍾汝聰 字宇聞拾金還主樂善不倦

顧岳 字宗之居黃號廿畝知縣傳景奕以耆善堪風區獎

黃元義 居江灣雍正二年布政使鄂以賑惠無涯檄獎十二年知縣胡仁濟以義德可風區獎乾隆元年合學生員公舉孝廉方正

沈以義 字任行監生居大場元千戶義子沈文輝裔孫克承祖志廣濟醫藥

吳永禮 字繼周居殷號六畝知縣傳景奕以耆善堪風區獎

陳賚 貢生居江灣惠濟桑梓捐賑掩骼恤災好善力行不倦克承父士才為善志行

張鉞 字鳳池生員居江灣武舉人張雲錦之子樂善好施

金集 字鳳坡候選通判居羅店樂善好施

王寮 字成裕監生居江灣弟王寬字克容監生俱樂善好施

顧琪 監生居盈號三十五畝父顧文源糧道賈以孝行可風區獎子貢生顧倫俱樂善好施

黃鐘 字大聲居殷號樂善好施知縣趙向奎傳景奕胡仁濟俱給匾獎

顧聖初居岡號監生生員張致慈親伯張榮若居棠號生員張致慈親伯

雍正十年潮災好善樂施姓名憑知縣胡仁濟查報

印冊

捐銀米百兩石以上

寶山縣志

卷八

三



陳 賚 金 集

捐銀米百兩石以下十兩石以上

王 祭	徐 我成	馬 廷九	程 恒升	程 德升
凌 天聲	張 鈇	王 寬	席 泰	程 宏隆
程 千士	周 芳植	楊 聖儀	戴 允如	金 天彩
范 鼎王	王 赤三	孫 書仁	汪 善餘	唐 戢武
龐 時夏	徐 天庶	朱 明遠	朱 友三	朱 光遠
沈 楚珍	顧 雲翔	壽 愷士	袁 樹德	邵 祥隆
金 大成	陸 袁氏	金 文奇	黃 聖遊	沈 友雀
吳 致治	戴 德先	蔡 時沛	沈 文昭	陸 瑋南
顧 闈修	張 思曾	唐 振毅	鍾 宜書	程 君甫
朱 錫公	張 森如	張 方堯	陳 南赤	金 勝友
金 羽豐	李 希聖	金 景明	陸 公垂	何 際虞
李 百如	李 希聖	張 仲美	陸 公垂	

捐銀米十兩石以下

陳 行素	陳 格言	范 占五	朱 掄才	僧 學正
沈 登庸	張 友策	俞 載清	瞿 有章	王 相虛
程 大有	陳 存下	石 永開	俞 令侯	張 聖公
鍾 人傳	鍾 人表	鍾 紹九	孫 鄭良	王 天甲

收埋屍棺

蔡 二涵	僧 紀承	黃 文在	顧 克明	王 士標
吳 杜南	黃 子加	徐 公儀	沈 修來	莊 傳星
莊 象九	沈 良卿	祝 友松	凌 熙	孫 遜登
金 瑩	顧 維則	壽 德依	唐 翌六	

高橋凌瞿庠 張 魯 顧 鎰 戴宏基

江灣陳 賚 王 寬 陳格言 凌天毅

鎮 楊行壽愷士 顧雲翔 金勝友 黃聖遊

羅店范大綬 胡莘材 汪聖來 汪若干

鎮 月浦黃文在 俞乘六 顧光遠 僧寄塵

秦萬成 居羅店承父錫齡遺志因從前蘇松浮  
賦未蒙 蠲減不免民困輯刷蘇松財  
賦考以呈當道







